



საქართველოს სოც.



საბჭოთა კავშირის

მუშათა და გლეხთა მთავრობის

# კანონთა და განკარგულებათა კრებული

1927 წ.

იუსტიციის სასჯელსო უმინისტროს გამომცემი

1927 წ. აპრილის 6

№ 5

ნაწილი პირველი

## შ ი ნ ა ა რ ს ი:

### ცენტრალური აღმასრულებელი კომიტეტის დადგენილებანი.

74. დადგენილება № 45 ც. ა. კ.—სათემო საბჭოების მიერ სავალდებულო დადგენილებათა გამოცემისა და ამ დადგენილებათა დარღვევისათვის ადმინისტრაციული გადასახდელის დადების წესის დებულების მე-12 და 15 მუხლის შეცვლისა და ამავე დებულებისათვის მე-15-1 მუხლის დამატების შესახებ.

75. დადგენილება № 46 ც. ა. კ. და ს. კ. ს.—ადგილობრივი მრეწველობის მშენებლობაში გეგმიანობის შეტანის შესახებ.

76. დადგენილება № 47 ც. ა. კ. და ს. კ. ს.—საქართველოს სსრ სისხლის სამართლის კოდექსისათვის 169<sup>1</sup> მუხ. დამატების შესახებ.

77. დადგენილება № 48 ც. ა. კ. და ს. კ. ს.—საქართველოს სოც. საბჭოთა კავშირის სამოქალაქო სამართლის კოდექსის 27, 72, 90, 103, 105 მუხ., 130 მუხ. 1 შენიშვნისა, 138, 153, 182<sup>1</sup>, 185, 265, 265 მუხ. 1 შენიშვნისა, 266, 297, 421, 424 და 425 მუხ. შეცვლის შესახებ.

78. დადგენილება № 49 ც. ა. კ. და ს. კ. ს.—საქართველოს სსრ სამოქალაქო სამართლის კოდექსის შეცვლების შესახებ.

79. დადგენილება № 50 ც. ა. კ. და ს. კ. ს.—სამედიცინო დარგის მომუშავეთა პროფესიონალური მუშაობისა და უფლება-მოვალეობათა შესახებ.

80. დადგენილება № 51 ც. ა. კ. და ს. კ. ს.—სამხედრო ტრიბუნალები-სა და სამხედრო პროკურატურის დებულების სამოქმედოდ შემოღების გამო სი-

სხლის სამართლის საპროცესო კოდექსში ცვლილებათა და დამატებათა შეტანის შესახებ.

### სახალხო კომსახართა საბჭოს დადგენილებანი

81. დადგენილება ს. კ. ს.—საბაჟო დაწესებულების მიერ დადებული ჯარიმის გადაუხდელობისათვის პასუხისმგებლობის შესახებ.

82. დადგენილება ს. კ. ს.—სისხლის სამართლის საქმეთა მძიებელი მილიციის თანამშრომელთათვის ბოროტ-მოქმედებით მოპოვებული ქონების აღმოჩენისათვის ჯილდოს დაწესების თაობაზე 1923 წ. მაისის 15-ს თარიღით და 95 №-ით გამოცემული დადგენილების გაუქმების შესახებ.

83. დადგენილება ს. კ. ს.—იმ წესების დამტკიცების შესახებ, რომლითაც მილიციის ორგანოები მოვალენი არიან საქართველოს სოც. საბჭ. რესპუბლიკაში დამხარება გაუწიონ საგადასახადო გარე-ზედამხედველობის ორგანოთ ვაქრობისა და რეწაობის სახელმწიფო სარეწავი გადასახადით დაბეგვრის შემოწმების დროს.

წესები მილიციის ორგანოების მოვალეობის შესახებ დახმარება გაუწიონ საქართველოს ს. ს. რ-ში საგადასახადო გარე-ზედამხედველობის ორგანოთ ვაქრობისა და რეწაობის სახელმწიფო გადასახადით დაბეგვრის შემოწმების დროს.

84. დადგენილება ს. კ. ს.—[ტირიფონის სარწავი არხის გაყვანის სამუშაოთა მდგომარეობის გამოსარკვევად კომისიის დანიშვნის შესახებ].

85. დადგენილება ს. კ. ს.—საბუხჰალტერო და ანგარიშწარმოების კურსების დებულების დამტკიცების შესახებ.

დებულება საბუხჰალტერო და ანგარიშწარმოების კურსების შესახებ.

86. დადგენილება ს. კ. ს.—საქართველოს ს. ს. რ. ჯანმრთელობის სახალხო კომისარიატის გამომცემლობის დებულების დამტკიცების შესახებ.

დებულება საქართველოს ჯანმრთელობის სახალხო კომისარიატის გამომცემლობის შესახებ.

## სენატრული აღმასრულებელი კომიტეტის დადგენილებანი.

### 74. დადგენილება № 45 ც. ა. კ.

სათემო საბჭოების მიერ სავალდებულო დადგენილებათა გამოცემისა და ამ დადგენილებათა დარღვევისათვის აღმინისტრაციული გადასახდელის დადების წესის დებულების მე-12 და 15 მუხლის შეცვლისა და ამავე დებულებისათვის მე-15<sup>1</sup> მუხლის დამატების შესახებ.

სრულიად საქართველოს საბჭოთა ცენტრალური აღმასრულებელი კომიტეტი ადგენს:

## I.

სრულიად საქართველოს საბჭოთა ცენტრალური აღმასრულებელი კომიტეტის 1926 წ. ივნისის 22-ს თარიღისა და 43 ნომრის დადგენილებით დამტკიცებული—სათემო საბჭოების მიერ სავალდებულო დადგენილებათა გამოცემისა და ამ დადგენილებათა დარღვევისათვის ადმინისტრაციული გადასახდელის დადების წესის დებულების (კან. კრ. 1926 წ. მე-3 ნომრით, მუხ. 71) მე-12 და 15 მუხლი შეცვლილ იქნეს შემდეგნაირად:

მუხ. 12. იმ პირს, ვისაც ადმინისტრაციული გადასახდელი დაედო, უფლება აქვს სთხოვოს სათემო აღმასრულებელ კომიტეტს გადასინჯოს მის წინააღმდეგ გამოტანილი დადგენილება, ან განასაჩივროს ეს დადგენილება სათანადო მაზრის აღმასრულებელ კომიტეტში, შვიდი დღის ვადაზე დღიდან დადგენილების გამოცხადებისა. საჩივარი შეტანილ უნდა იქნეს თემის აღმასრულებელ კომიტეტში, რომელიც მოვალეა სამი დღის განმავლობაში გაუგზავნოს იგი საქმითურთ მაზრის აღმასრულებელ კომიტეტს. თხოვნისა და საჩივრის შეტანა შეაჩერებს დადგენილების აღსრულებას.

მუხ. 15. წინა მუხლით გათვალისწინებულ შემთხვევაში სათემო აღმასრულებელმა კომიტეტმა უნდა დაიცვას ყველა ის პირობა ადმინისტრაციული გადასახდელის გადაწყვეტისათვის, რაც ამა დებულებაშია აღნიშნული.

## II.

ზემოაღნიშნულ დებულებას დაემატოს მე-15<sup>1</sup> მუხ. შემდეგი შინაარსისა:

მუხ. 15<sup>1</sup>. დადგენილება ადმინისტრაციული გადასახდელის დადების შესახებ აღსრულებულ უნდა იქნეს არა უგვიანეს ერთი წლისა მისი კანონიერ ძალაში შესვლის დღიდან. უკეთეს აღნიშნულ ვადაზე დადგენილება არ იქნება აღსრულებული, იგი ძალასა ჰკარგავს.

სრულიად საქართველოს საბჭოთა ცენტრალური აღმა-

სრულებელი კომიტეტის თავმჯდომარის მაგ. კ. ხომერიკი.

სრულიად საქართველოს საბჭოთა ცენტრალური აღ-

მასრულებელი კომიტეტის მდივანი შ. მათიკაშვილი.

1927 წ. მაისის 3.

ტფილისი—სასახლე

## 75. დადგენილება № 46 ც. ა. კ. და ს. კ. ს.

ადგილობრივი მრეწველობის მშენებლობაში გეგმიანობის შეტანის შესახებ.

ადგილობრივი მრეწველობის მშენებლობაში გეგმიანობის განსამტკიცებლად, განსავეითარებლად და მოსაწესრიგებლად სრულიად საქართველოს საბჭოთა ცენტრალური აღმასრულებელი კომიტეტი და საქართველოს სოც. საბჭო-რესპუბლიკის სახალხო კომისართა საბჭო ადგენენ:

1. დაევალოს აფხაზეთის სსრ და აჭარისტანის ავტონომიური სსრ სახალხო კომისართა საბჭოებსა და სამხრეთ-ოსეთის ავტონომიური ოლქის ცენტრალურ აღმასრულებელ კომიტეტს დააკისრონ სახალხო მეურნეობის სათანადო ორგანოებს წინასწარ შეუთანხმონ საქართველოს სსრ სახალხო მეურნეობის უმაღლეს საბჭოს ყოველი საკითხი ახალი სამრეწველო საწარმოს მშენებლობისა, უკვე არსებულის გაფართოებისა და აგრეთვე მისი შექმნისა სახელმწიფო კოოპერატიულ და საზოგადოებრივ დაწესებულებათა და კერძო პირთაგან.

2. დაევალოს საქართველოს სსრ სამაზრო აღმასრულებელ კომიტეტებს და მათი ადგილობრივი მეურნეობის ორგანოებს წინასწარ შეუთანხმონ საქართველოს სსრ სახალხო მეურნეობის უმაღლეს საბჭოს ყოველი საკითხი ახალი სამრეწველო საწარმოს მშენებლობისა, არსებულის გაფართოებისა და აგრეთვე მათი შექმნისა სახელმწიფო, კოოპერატიულ და საზოგადოებრივ დაწესებულებათა და კერძო პირთაგან.

3. ყოველი საკითხი, რაც კი დაკავშირებულ იქნება როგორც ადგილობრივ მრეწველობის უკვე არსებული საწარმოს ფინანსიურად მოგვარებასთან, ისე ახალის აშენებასა და შექმნასთან, გატარებულ იქნეს საქართველოს სსრ სახალხო მეურნეობის უმაღლეს საბჭოში, რისთვისაც ამ უკანასკნელს წარედგინება დაწვრილებით შემუშავებული ხარჯთ-აღრიცხვა, საწარმოო და საფინანსო გეგმები განმარტებითი წერილის თანდართვით.

4. აფხაზეთის სსრ, აჭარისტანის ავტონომიური სოც. საბჭ. რესპუბლიკისა და სამხრეთ-ოსეთის ავტონომიური ოლქის სახალხო მეურნეობის ორგანოებმა, აგრეთვე საქართველოს სსრ ყველა სამაზრო აღმასრულებელმა კომიტეტმა ყოველწლივ უნდა წარუდგინონ საქართველოს სსრ სახალხო მეურნეობის უმაღლეს საბჭოს დასამტკიცებლად თვითოეული ცალკე საწარმოს საწარმოო პროგრამა ორი თვით აღრე მაინც საოპერაციო წლის დაწყებამდე, და აგრეთვე გასული საოპერაციო წლის ანგარიში — არა უგვიანეს ყოველი წლის დეკემბრის 1-ისა.

5. ამასთანავე აფხაზეთის სსრ, აჭარისტანის ავტონომიური სოც. საბჭ. რესპუბლიკისა და სამხრეთ-ოსეთის ავტონომიური ოლქის სახალხო მეურნეობის ორგანოებმა და აგრეთვე საქართველოს სსრ ყველა სამაზრო აღმასრულებელმა კომიტეტმა მათ გამგებლობაში მყოფი ყოველი სამრეწველო საწარმო უნდა ჩამოაყალიბონ ოთხი თვის ვადაზე ცალკე იურიდიულ პირად სსრკ სახალხო კომისართა საბჭოს მიერ — ადგილობრივი ორგანოების გამგებლობაში მყოფი, კომერციული ანგარიშის პრინციპზე მოქმედ სახელმწიფო სამრეწველო საწარმოთა შესახებ — 1923 წლის ივლისის 17-ს თარიღით გამოცემული დეკრეტის საფუძველზე (სსრკ ცაკისა, სახკომსაბჭოს და შრ. და თავდაც. საბჭოს „ვესტნიკის“ 1923 წ. 1-ლი №-რი, მუხ. 29).

სრულიად საქართველოს საბჭოთა ცენტრალური აღმა-

სრულებელი კომიტეტის თავმჯდომარის მაგ. კ. ხომერიკი.

საქართველოს სოც. საბჭ. რესპუბლიკის სახალხო კომისარ-

თა საბჭოს თავმჯდომარის მაგ. გ. მაგალობლიშვილი.

სრულიად საქართველოს საბჭოთა ცენტრალური აღმა-

სრულებელი კომიტეტის მდივანი შ. მათიკაშვილი.

1927 წ. მაისის 3.

ტფილისი — სასახლე.

გამოქვეყნებულია გაზ. „კომუნისტის“ 110-№-ში 1927 წ. მაისის 18.

## 76. დეკრეტი 47 ც. ა. კ. და ს. კ. ს.

საქართველოს სსრ სისხლის სამართლის კოდექსისათვის 169<sup>1</sup>-მუხ. დამატების შესახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10-ის თარიღისა და 77 №-ის დადგენილების მე-2 მუხლის თანახმად, სრულიად საქართველოს საბჭოთა ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

საქართველოს სსრ სისხლის სამართლის კოდექსს დამატოს 169<sup>1</sup> მუხ. შემდეგი შინაარსისა:

169<sup>1</sup>. ბოროტი განზრახვით თავის არიდება სასამართლოს მიერ შეიღებვის შესანახად გადაწყვეტილი თანხის გადახდისაგან იმისდა მიუხედავად, რომ გამამხდელს ამის შესაძლებლობა აქვს, გამოიწვევს თავისუფლების აღკვეთას ექვს თვემდე ან ჯარიმას სამას მინეთამდე.

მშობლების მიერ თავისი მცირეწლოვანი შვილების სრულიად უმწეოდ დატოვება, აგრეთვე შვილების იძულება მათხოვრობისათვის გამოიწვევს სოციალური დაცვის იმავე ღონისძიებას.

სრულიად საქართველოს საბჭოთა ცენტრალური აღმასრულებელი კომიტეტის თავმჯდომარე ფ. მახარაძე.

საქართველოს სოც. საბჭ. რესპუბლიკის სახალხო კომისართა საბჭოს თავმჯდომარე შ. ელიავა.

სრულიად საქართველოს საბჭოთა ცენტრალური აღმასრულებელი კომიტეტის მდივანი შ. მათიკაშვილი

1927 წ. მაისის 20.

ტფილისი—სასახლე.

გამოქვეყნებულია გაზ. „კომუნისტის“ 128 №-ში 1927 წ. ივნისის 8.

## 77. დ ა დ გ ე ნ ი ლ ე ბ ა № 48 ც. ა. კ. და ს. კ. ს.

საქართველოს სოც. საბჭ. რესპუბლიკის სამოქალაქო სამართლის კოდექსის 27, 72, 90, 103, 105 მუხ., 130 მუხ. 1 შენიშვნისა, 138, 153, 182-1, 185, 265, 265 მუხ. 1 შენიშვნისა, 266, 297, 421, 424 და 425 მუხ. შეცვლის შესახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე 2 სესიის 1924 წ. მარტის 10 თარიღისა და 77 ნომრის დადგენილების მე-2 მუხლის წესისამებრ, სრულიად საქართველოს საბჭოთა ცენტრალური აღმასრულებელი კომიტეტი და საქართველოს სოც. საბჭ. რესპუბლიკის სახალხო კომისართა საბჭო ადგენენ:

საქართველოს სოც. საბჭ. რესპუბლიკის სამოქალაქო კოდექსის 27, 72, 90, 103, 105 მუხ., 130 მუხ. 1 შენიშვნისა, 138, 153, 182-1, 185, 265 მუხ., 265 მუხ. 1 შენიშვნისა, 266, 297, 421, 424 და 425 მუხ. რედაქცია შეიცვალოს შემდეგნაირად.

მუხ. 27. გარიგების დადება შეიძლება სიტყვიერად და წერილობით. წერილობითი გარიგება შეიძლება იყოს: 1) მარტივი და 2) სანოტარო წესით დამოწმებული.

მუხ. 72. აღნაგობის უფლების ხელშეკრულება ბათილობის რიგით სანოტარო წესით უნდა იქნეს დამოწმებული.

მუხ. 90. გირავნობის ხელშეკრულება წერილობითი უნდა იყოს.

შენობის და აღნაგობის უფლების დაგირავება, ბათილობის რიგით, დამოწმებულ უნდა იქნეს სანოტარო წესით, შემდგომი რეგისტრაციით ოლქის სასამართლოს სანატარო განყოფილებაში. გირავნობის აქტის შინაარს სანატარო განყოფილება აცნობებს სათანადო კომუნალურ განყოფილებას. მოგირავნეს მიეცემა გირავნობის სიგელი.

**შენიშვნა 1.** სახელმწიფო დაწესებულებასა და საწარმოსთან, აგრეთვე შრომის არტელსა და კოოპერატივთან დადებული ყოველგვარი ხელშეკრულების შესრულების უზრუნველსაყოფად დამგირავებელს შეუძლიან ამ დაწესებულებასა და საწარმოს, გირავნობის აქტის მაგიერ, წარუდგინოს გირავნობის მოწმობა.

**შენიშვნა 2.** საბჭ. სოც. რესპ. კავშირის ბაირალით მცურავი ზღვის სავაქრო ნავტორქლის დაგირავების წესი ცალკეა განსაზღვრული (სსრკ კან. კრ. 1924 წ. მე-4 №-რი, მუხ. 54).

მუხ. 103 გირაოთი უზრუნველყოფილი მოთხოვნის გადაცემასთან ერთად ახალ კრედიტორზე გადადის გირავნობის უფლებაც. აღნაგობის უფლების ან შენობის დაგირავებით უზრუნველყოფილი მოთხოვნის გადაცემა მოხდება გირავნობის აქტის გადაცემით, რასაც უნდა ჰქონდეს სანოტარო წესით დამოწმებული გადაცემის წარწერა და რაც უნდა ჩაიწეროს კომუნალური განყოფილების რეესტრში. ყველა სხვა შემთხვევაში მოთხოვნა გადაიცემა გირავნობის ხელშეკრულებაზე წარწერით და აგრეთვე დაგირავებული ქონების გადაცემით, როდესაც ასეთი გადაცემა საჭიროა გირავნობის უფლების წარმოშობისათვის (მუხ. 92, 93).

გირავნობის უფლების გადაცემა უნდა ეცნობოს მოვალეს, ხოლო უკეთუ მოვალე და დამგირავებელი ერთი და იგივე პირი არ არის—დამგირავებელსაც.

მუხ. 105. შენობისა და აღნაგობის უფლების გირავნობის მოსპობა, დაინტერესებული პირის მოთხოვნით, აღინიშნება სანოტარო კანტორაში დასატოვებელ გარიგების ძართად ცალზე და კომუნალური განყოფილების რეესტრში. უკეთუ გირავნობა მოისპობა გირაოთი უზრუნველყოფილი მოთხოვნის მოსპობის გამო, მოგირავნემ მისთვის გადაცემული დაგირავებული ქონება უნდა დაუბრუნოს დამგირავებელს ან და გადასცეს შემდგომ მოგირავნეს პირველობის მიხედვით (მუხ. 94).

**130 მუხლის 1 შენიშვნა.** როდესაც კანონით სავალდებულოა ხელ

შეკრულების სანოტარო წესით დამოწმება, ხელშეკრულება, უკეთეს კანონით სხვა რამ არ არის დაწესებული, დადებულიად ჩაითვლება მისი სანოტარო წესით დამოწმების დროიდან.

მუხ. 138. ათას მანეთზე მეტი თანხის ქონების უსასყიდლოდ დათმობის ხელშეკრულება (გაჩუქება), ბათილობის რიდით, სანოტარო წესით უნდა იქნეს დამოწმებული.

მუხ. 153. სახელმწიფო ან კომუნალური საწარმოს დაქირავეების ხელშეკრულება, ბათილობის რიდით, სანოტარო წესით უნდა იქნეს დამოწმებული.

ყოველგვარი ქონების ერთ წელზე მეტი ვადით დაქირავეების ხელშეკრულება წერილობითი უნდა იყოს იმ შედეგის რიდით, რაც აღნიშნულია 136 მუხლის შენიშვნაში.

სახელმწიფო და კომუნალური საწარმოს დაქირავეების ხელშეკრულებას, ბათილობის რიდით, უნდა დაერთოს დაქირავებული ქონების დაწვრილებითი აღწერილობა.

მუხ. 182<sup>1</sup>. წინასწარი სანასყიდო სიგელის, ე. ი. წინასწარი ხელშეკრულება, რომლის თანახმადაც მომავალში შენობის ნასყიდობის გარიგება უნდა დაიდოს, ბათილობის რიდით, სანოტარო წესით უნდა იქნეს დამოწმებული. არა უგვიანეს 6 თვისა წინასწარი სანასყიდო სიგელის დაწერიდან უნდა დაიდოს შენობის ნასყიდობის ხელშეკრულება ან ერთმა მხარემ უნდა აღძრას მეორე მხარის მიმართ სარჩელი ნასყიდობის გარიგების დადების შესახებ; წინააღმდეგ შემთხვევაში წინასწარი სანასყიდო სიგელის მოქმედება მოისპობა.

მუხ. 185. შენობისა და აღნაგობის უფლების ნასყიდობა, ბათილობის რიდით, სანოტარო წესით უნდა იქნეს დამოწმებული და შემდეგ მას აუცილებლად რეგისტრაცია უნდა გაუკეთდეს ოლქის სასამართლოს სანოტარო განყოფილებაში. ამ აქტების შინაარს ოლქის სასამართლოს სანოტარო განყოფილება აცნობებს სათანადო კომუნალურ განყოფილებას.

მუხ. 265. უკეთეს მოქმედება შესრულებულ უნდა იქნეს მთავრობის ორგანოს ან თანამდებობის პირის მიმართ, რწმუნებულება, ბათილობის რიდით, სანოტარო წესით უნდა იქნეს დამოწმებული, გარდა ისეთი შემთხვევისა, როდესაც, განსაკუთრებული წესების თანახმად, რწმუნებულება შეიძლება სხვა ფორმისა იყოს.

**შენიშვნა 1.** რწმუნებულება ფულისა, ამანათისა და, საერთოდ, ყოველგვარი საფოსტო კორესპონდენციის მიღებისათვის შეიძლება დამოწმოს, სანოტარო ორგანოს გარდა, სახალხო მოსამართლემ, მილიციამ, თემის აღმასრულებელმა კომიტეტმა და სასოფლო საბჭომ, აგრეთვე იმ სახელმწიფო და საზოგადოებრივმა დაწესებულებამ თუ საწარმომ და სამხედრო ერთეულმა, სადაც საფოსტო კორესპონდენციის მიმღები მსახურობს.

მუხ. 266. რწმუნებულება ქონების გამგებლობისათვის, ბათილობის რიდით, სანოტარო წესით უნდა იქნეს დამოწმებული.

მუხ. 297. სრული ამხანაგობის ხელშეკრულება, ბათილობის რიდით, წერილობით უნდა დაიდოს და სანოტარო წესით იქნეს დამოწმებული.

მუხ. 421. ანდერძით ჩაითვლება სიკვდილის საშემთხვეოდ გაცემული წერილობითი განკარგულება, რომ ქონება მიეცეს 418 მუხლში აღნიშნულთა შორის ერთს ან რამდენსამე განსაზღვრულ პირს, ან განაწილებულ იქნეს იგი რამდენსამე ან ყველა ამ პირს შორის სხვა რამ წესით, ვიდრე ეს გათვალისწინებულია 420 მუხლში.

**შენიშვნა 1.** მოანდერძეს შეუძლიან თავისი ქონების კანონით დამკვიდრების უფლება მოუსპოს 418 მუხლში აღნიშნულ პირთა შორის ერთს, რამდენსამეს ან ყველას. პირველ ორ შემთხვევაში იმათი წილი, ვისაც დამკვიდრების უფლება მოესპო, განაწილდება დანარჩენ პირთა შორის, ხოლო უკანასკნელ შემთხვევაში სამკვიდრო ქონება სახელმწიფოს ხელში გადავა.

**შენიშვნა 2.** მოანდერძეს უფლება აქვს დაუტოოს ქონება ან ამ ქონების ნაწილი კულტურულ, განმანათლებელ ან სხვა რამ, კანონის არასაწინააღმდეგო, საზოგადოებრივ თუ სახელმწიფო დაწესებულებას.

მუხ. 424. ანდერძი ხელმოწერილი უნდა იყოს მოანდერძის მიერ და, ბათილობის რიდით, წარედგინოს სახალხო ნოტარიუსს სანოტარო წესით დასამოწმებლად, ხოლო იქ, სადაც ნოტარიუსი არ არის, სახალხო მოსამართლეს, იქ კი, სადაც მოსამართლეს ან იქნება, ადგილობრივ აღმასრულებელ კომიტეტს.

უკეთუ მოანდერძემ წერა არ იცის ან მას არ შეუძლიან ხელის მოწერა (ხელის ტკივილისა ან სხვა რამ მიზეზის გამო), მის მაგიერ, მისივე თხოვნით და იმ ორგანოს თანადასწრებით, რომელმაც ანდერძი უნდა დაამოწმოს, ანდერძს ხელს მოაწერს სხვა პირი.

ანდერძის ერთი ცალი ინახება იმ ორგანოსთან, რომელიც მას დაამოწმებს.

მუხ. 425. შემდეგში შედგენილი ანდერძით გაუქმდება წინადა შედგენილი ანდერძი იმდენად, რამდენადაც წინანდელი ანდერძი არ შეიცავს ისეთს რამ განკარგულებას, რაც გათვალისწინებულ არ არის მერმინდელ ანდერძში. მოანდერძეს შეუძლიან წინანდელი ანდერძი გააუქმოს ახალი ანდერძის შეუდგენლადაც, ხოლო საამისოდ მან განსაკუთრებული განცხადება უნდა შეიტანოს ერთ-ერთ იმ ორგანოში, რომელიც აღნიშნულია 424 მუხლში.

სრულიად საქართველოს საბჭოთა ცენტრალური

აღმასრულებელი კომიტეტის თავმჯდომარე **ფ. შახარაძე.**

საქართველოს სსრ სახალხო კომისართა

საბჭოს თავმჯდომარე **შ. ელიავა.**


სრულიად საქართველოს საბჭოთა ცენტრალური

აღმასრულებელი კომიტეტის მდივანი **შ. მათიკაშვილი.**

1927 წ. მაისის 20.

ტფილისი—სასახლე.

დამოკიდებულია გაზ. „კომუნისტის“ 128 №-ში 1927 წ. ივნისის 8.





## 78. დადგენილება № 49 ც. ა. კ. და ს. კ. ს.

საქართველოს სსრ სამოქალაქო სამართლის კოდექსის შევსების შესახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10-ის თარიღისა და 77-№-ის დადგენილების მე-2 მუხლის თანახმად, სრულიად საქართველოს საბჭოთა ცენტრალური აღმასრულებელი კომიტეტი და საქართველოს სახალხო კომისართა საბჭო ადგენენ:

I. სამოქალაქო სამართლის კოდექსს დაემატოს 68<sup>1</sup>, 68<sup>2</sup>, 68<sup>3</sup>, 68<sup>4</sup>, 68<sup>5</sup> და 68<sup>6</sup> მუხ. შემდეგი შინაარსისა:

68<sup>1</sup>. ის, ვინც დაკარგულ ნივთს იპოვნის, ვალდებულია დაუყოვნებლივ აცნობოს ეს, სათანადო ხელწერილის ჩამორთმევით, ნივთის დამკარგველს ან გამოუცხადოს და ჩააბაროს ნაპოვნი ნივთი მილიციას, თემის აღმასრულებელ კომიტეტს ან და სოფლის საბჭოს, რომლებიც, თავისი მხრით, მოვალენი არიან იმავე დღესვე გამოაკრან თავ-თავის სადგომებში განცხადება ნივთის პოვნის შესახებ.

68<sup>2</sup>. უკეთუ აღნიშნული ნივთის დამკარგველი 6 თვის განმავლობაში გამოცხადდება ან გამოირკვევა მისი ვინაობა, მას დაკარგული ნივთი დაებრუნება, ხოლო ამასთანავე იგი ვალდებულია აუნაზღაუროს ნივთის შემნახველს ყველა ის ხარჯი, რაც კი მან ნივთის შენახვაზე გასწია და, გარდა ამისა, გადაუხადოს მპოვნელს ნივთის საბაზრო ფასის 20%<sup>1</sup>. უკეთუ ეს ნივთი ბაზარზე არ ფასობს, მპოვნელის ჯილდოს განსაზღვრავს სასამართლო.

**შენიშვნა.** ისეთი ნივთის მპოვნელს, რაც სახელმწიფოს ეკუთვნის, ამა მუხლით გათვალისწინებული ჯილდო არ მიეცემა.

68<sup>3</sup>. ცალკე შემთხვევაში, ნივთის დამკარგველისა და მპოვნელის ქონებრივი მდგომარეობის მიხედვით, სასამართლოს შეუძლიან შეამციროს 68<sup>2</sup> მუხ. გათვალისწინებული ჯილდო ან და სრულიად გაანთავისუფლოს ნივთის დამკარგველი ამ ჯილდოს გადახდისაგან.

68<sup>4</sup>. უკეთუ ნივთის დამკარგველი არ გამოცხადდება ან მისი ვინაობა ვერ გამოირკვეა 6 თვის განმავლობაში, ნაპოვნი ნივთი, სამოქ. სამ. კოდ. 68 მუხლის თანახმად, გადადის სახელმწიფო საკუთრებად. ამ შემთხვევაში ნივთის მპოვნელს ჯილდო მიეცემა ამა დადგენილების 68<sup>2</sup> მუხ. განსაზღვრული რაოდენობით.

**შენიშვნა.** სახელმწიფოს საკუთრებად გადასული დაკარგული ნივთის რეალიზაცია მოხდება იმ წესით, რაც სსრკ სახ. კომ. საბჭ. 1925 წ. სექტემბრის 22-ს დადგენილებით შემოღებულია კონფისკაციაქმნილი ნივთების გამოყენებისათვის (სსრკ კან. კრ. 1925 წლ. 71 №-რი, მუხ. 526).

68<sup>5</sup>. ამა დადგენილების 68<sup>2</sup> და 68<sup>3</sup> მუხ. აღნიშნული ექვსთვიანი ვადა იანგარიშება დღიდან დამკარგველისათვის ხელწერილის ჩამორთმევისა ან ნივთის პოვნის შესახებ მილიციაში, თემის აღმასრულებელ კომიტეტში ან და სოფლის საბჭოში განცხადების შეტანისა.

68<sup>6</sup>. წინა (68<sup>1</sup>—68<sup>5</sup>) მუხლებში გათვალისწინებული წესი არ გავრცელდება იმ ნივთზე, რაც ნაპოვნი იქნება დაწესებულებაში და საწარმოში, საერთო სარგებლობის სადგომში, რკინის გზების მოძრავ შედგენილობაში, გემზე და სხვ. ამ შემთხვევაში ნივთის მპოვნელს არავითარი ჯილდო არ მიეცემა, ხოლო ნაპოვნი ნივთი გადაეცემა სათანადო დაწესებულებას ან საწარმოს ადმინისტრაციას იმ განსაკუთრებული წესების მიხედვით, რაც გამოცემულ იქნება სათანადო უწყებისა და დაწესებულების მიერ.

II. სამოქ. სამ. კოდექსის 251 მუხლს დაემატოს შენიშვნა—შემდეგი შინაარსისა:

**შენიშვნა.** მინდობილობის ხელშეკრულებით რწმუნებულად შეიძლება იყოს როგორც ფიზიკური, ისე იურიდიული პირი, ამასთან ამ უკანასკნელს შეუძლიან მიიღოს მინდობილობა მხოლოდ ისეთი მოქმედების შესრულებისათვის, რაც არ სცილდება სათანადო წესდებით, დებულებით ან და საამხანაგო ხელშეკრულებით განსაზღვრულ ფარგალს მისი მოქმედებისას.

III. სამოქ. სამ. კოდექსის 260 მუხლის „დ“ პუნქტის რედაქცია შეიცვალოს შემდეგნაირად:

დ) რწმუნებულის სიკვდილის გამო ან მის მიერ ქმედობაუნარიანობის დაკარგვის გამო ან და იმ იურიდიული პირის არსებობის მოსპობის გამო, ვის სახელზედაც გაცემული იყო რწმუნებულება

IV. სამოქ. სამ. კოდ. 404 მუხლის შენიშვნა მიღებულ იქნეს შემდეგი რედაქციით:

**შენიშვნა.** საჩრებლია ხანდაზმულობა სახელმწიფო ორგანოსადმი წარსადგენი, ამა მუხლზე დამყარებული მოთხოვნისათვის განისაზღვრება ორი წლით და იანგარიშება დღიდან ზიანის მიყენებისა.

აღნიშნული ხანდაზმულობის ვადის დენა, გარდა იმ საერთო საფუძვლებისა, რაც ხანდაზმულობის ვადის შეჩერებისა და განგრძობისათვის არის დაწესებული (48 და 49 მუხ.), შეჩერდება აგრეთვე იმ დღიდან, როდესაც დაზარალებულმა ან (უკეთუ იგი გარდაიცვალა) მის რჩენაზე მყოფმა პირმა მიმართა სოციალური უზრუნველყოფის სათანადო ორგანოს, იმ დღემდე, ვიდრე მას არ დაენიშნება პენსია ან უარი არ ეთქმის პენსიის დანიშვნაზე.

სრულიად საქართველოს საბჭოთა ცენტრალური  
 აღმასრულებელი კომიტეტის თავმჯდომარე **ფ. მახარაძე.**

საქართველოს სოც. საბჭ. რესპუბლიკის სახალხო  
 კომისართა საბჭოს თავმჯდომარე **შ. ელიავა.**

სრულიად საქართველოს საბჭოთა ცენტრალური  
 აღმასრულებელი კომიტეტის მდივანი **შ. მათიკაშვილი.**

1927 წ. მაისის 20.

ტფილისი—სასახლე.

## 79. დადგენილება № 50 ც. ა. კ. და ს. კ. ს.

**სამედიცინო დარგის მომუშავეთა პროფესიონალურ მუშაობისა და უფლება მოვალეობათა შესახებ.**

1. საქართველოს სსრ-ში სამედიცინო და საფარმაცევტო მუშაობის უფლება თავის სპეციალობის ფარგლებში, თანახმად ამა დადგენილებისა, აქვთ შემდეგი წოდების პირთ: 1) ექიმსა, 2) კბილის ექიმსა, 3) ექიმის თანაშემწესა, 4) ბებია-ქალსა, 5) ფარმაცევტსა და 6) სამედიცინო დას.

**შენიშვნა.** იმ კატეგორიის სამედიცინო მომუშავეთა პროფესიონალური მუშაობისა და უფლებების საკითხი, რომელნიც ამა დადგენილებით გათვალისწინებულ არ არიან, მოწესრიგდება ჯანმრთელობის სახალხო კომისარიატის მიერ პროფკავშირთა საბჭოსთან შეთანხმებით გამოცემული განსაკუთრებული ინსტრუქციებით.

2. ყველა ის სამედიცინო ან საფარმაცევტო დარგის მომუშავე, რომელსაც სურს იმუშაოს სამედიცინო ან საფარმაცევტო დარგში, ვალდებულია, თავისი ბინადრობის ადგილის მიხედვით, მიმართოს საქართველოს სსრ ჯანმრთელობის განყოფილებას ან აჭარისტანის ავტონომიური სსრ და სამხრეთ-ოსეთის ავტონომიური ოლქის ჯანმრთელობის სახ. კომისარიატებს, წარუდგინოს მათ მისი წოდების დამამტკიცებელი წერილობითი საბუთები და მიიღოს მათგან სარეგისტრაციო მოწმობა.

სამედიცინო დარგის მომუშავეთა რეგისტრაცია მოხდება საქართველოს სსრ ჯანმრთელობის სახ. კომისარიატის მიერ გამოცემული ინსტრუქციების თანახმად.

3. სამედიცინო წოდების უფლების დამამტკიცებელ საბუთად ჩაითვლება:

ა) სამედიცინო სასწავლებლის დიპლომი ან მოწმობა, ან სათანადოდ დამოწმებული ასლი ამ დიპლომისა და მოწმობისა;

ბ) ნამსახურობის სია—სამედიცინო წოდების, მისი მიღების დროისა და ადგილის აღნიშვნით, ან სათანადოდ დამოწმებული ასლი ამ სიისა;

გ) სამედიცინო დარგის ამა თუ იმ მომუშავის აღნიშვნა საქართველოს და სსრკ-ის ექიმებთა ოფიციალურ ცნობარში და აგრეთვე მთავარ საექიმო ინსპექტორის სამმართველოს მიერ 1916 წლამდე გამოცემულ რუსეთის სამედიცინო სიაში.

4. უკეთუ სამედიცინო დარგის მომუშავეს არ აღმოაჩნდა არც ერთი ზემოაღნიშნული დოკუმენტი ან უკეთუ დოკუმენტი ექვს იწვევს, მე-2 მუხ. აღნიშნული დაწესებულებანი დაუნიშნავენ მას ვადას სხვა სარწმუნო დოკუმენტების წარსადგენად. ხოლო, ვინცობაა ეს დოკუმენტები დანიშნულ ვადაზე წარდგენილი არ იქნა, საკითხი იმ კატეგორიის სამედიცინო მომუშავისათვის წოდების მინიჭების შესახებ, რომლის კვალიფიკაციასაც უმაღლესი სასწავლებელი აწესებს, გადაეცემა საქართველოს სსრ ჯანმრთელობის სახალხო კომისარიატს; ეს უკანასკნელი აღნიშნული საკითხის გამოსარკვევად შესაფერძი შეკითხვით მიმართავს სსრკ-ის ან უცხოეთის სათანადო უმაღლეს სასწავლებელს; ხოლო დანა-

რჩენი კატეგორიის სამედიცინო დარგის მომუშავეების საკითხს გადასწყვეტს ჯანმრთელობის სათანადო სახალხო კომისარიატი, მის მიერ საამისოდ გამოცემული ინსტრუქციის მიხედვით.

5. სამედიცინო დარგის ყველა მომუშავემ, ვინც-კი კერძო პრაქტიკას ეწევა, უნდა შეავსოს თითოეულ ავადმყოფზე, რომელსაც იგი მკურნალობს, სანიტარული ბარათი, თანახმად ჯანმრთელობის სახალხო კომისარიატის ინსტრუქციისა.

6. სამედიცინო დარგის ყოველი მომუშავე მოვალეა ყველა იმ შემთხვევაში, როდესაც საჭიროა სასწრაფო სამკურნალო დახმარების აღმოჩენა, აღმოუჩინოს ამა თუ იმ პირს ეს დახმარება, თანახმად ჯანმრთელობის სახალხო კომისარიატის მიერ, შინაგან საქმეთა და შრომის სახალხო კომისარიატებთან და პროფესიონალურ კავშირების საბუკოსთან შეთანხმებით, გამოცემული ინსტრუქციისა.

7. სამედიცინო დარგის ყოველი მომუშავე მოვალეა არა უგვიანეს 24 საათისა, აცნობოს ჯანმრთელობის უახლოეს განყოფილებას მის პრაქტიკაში გავლილი ყოველი შემთხვევა სწრაფად-გადამდები ავადმყოფობისა, მოწამლისა, მკვლელობისა, სხეულის მძიმე დაზავებისა ან თვითმკვლელობისა; ამასთანავე სხეულის დაზავება ყველა შემთხვევაში უნდა აღიწეროს რაც შეიძლება სრულად და სისწორით.

8. სამედიცინო დარგის სათანადო კატეგორიის მომუშავეს უფლება აქვს გასცეს შესაფერი მოწმობა იმ საფუძველზე და იმ ფარგლებში, რაც აღნიშნულია ამა დადგენილების მე-19, 23, 25 და 31 მუხლში.

სამედიცინო დარგის მომუშავეს მიერ გაცემულ მოწმობაში უნდა აღინიშნოს მოწმობის გაცემის დრო, ადგილი და მიზანი.

მოწმობას ხელს მოაწერს მოწმობის გამცემი თავისი სრული წოდების აღნიშვნით და სახელობითი ბეჭდის დასმით. უკეთუ ბეჭედი არ აქვს, მის ხელმოწერს დაამოწმებს სათანადო დაწესებულება.

**შენიშვნა.** მოწმობის გაცემის წესი და პირობები განისაზღვრება ჯანმრთელობის სახ. კომისარიატის მიერ, იუსტიციის სახ. კომისარიატთან შეთანხმებით, გამოცემული განსაკუთრებული ინსტრუქციით.

9. სამედიცინო დარგის მომუშავემ მის მიერ გამოწერილ რეცეპტს, უკეთუ მას საამისო უფლება აქვს, უნდა მოაწეროს თავისი გვარი და აღნიშნოს თავისი წოდება.

10. სამედიცინო დარგის მომუშავეს გამოაკიდ პლაკატზე, აგრეთვე განცხადებაში და პუბლიკაციაში შეუძლიან აღნიშნოს მხოლოდ თავისი წოდება, გვარი, სახელი და მამის სახელი, სპეციალობა, ავადმყოფების მიღების ადგილი და დრო.

11. პროფესიონალურ მოვალეობათა დარღვევისათვის სამედიცინო დარგის მომუშავეს სოციალური დაცვის ღონისძიება დაენიშნება სასამართლოს განაჩენით.

12. სახელმწიფო სამსახურში მყოფ სამედიცინო დარგის მომუშავე, როგორც მელსაც განსაკუთრებულ მძიმე პირობებში უხდება მუშაობა გადამდები სენის (ეპიდემიის) წინააღმდეგ, და აგრეთვე მისი ოჯახი, უკეთუ იგი მომუშავე მუშაობის გამო ავად გახდება, დაჰკარგავს შრომის უნარს ან გარდაიცვლება გადამდები სენისაგან, უზრუნველყოფილ იქნებიან სახელმწიფოს მიერ იმ განსაკუთრებულ საფუძველთა მიხედვით, რასაც დაადგენს ჯანმრთელობის სახალხო კომისარიატი, სოციალური უზრუნველყოფისა და შრომის სახ. კომისარიატებთან და საქართველოს პროფ. კავშირთა საბჭოსთან შეთანხმებით, და დაამტკიცებს სახალხო კომისარიატის საბჭო.

13. ექიმის წოდებისა და საექიმო მუშაობის უფლება აქვს:

ა) იმ ექიმს, რომელმაც დაამთავრა უმაღლესი სამედიცინო სასწავლებელი და მიიღო ექიმის წოდების დიპლომი, ბ) იმ ექიმს, რომელმაც დაამთავრა უნივერსიტეტი საზღვარგარედ, მიიღო იქ მედიცინის დოქტორის წოდების დიპლომი და ჩააბარა სათანადო გამოცდები ს. ს. რ. კ.-ის ერთ-ერთ უნივერსიტეტს ან უმაღლეს საექიმო სკოლაში.

**შენიშვნა.** საქართველოს ს. ს. რ. ჯანმრთელობის სახ. კომისარიატს შეუძლიან, განათლების სახ. კომისარიატთან შეთანხმებით, განათავისუფლოს გამოცდებისაგან ის ექიმი, რომელმაც დაამთავრა საზღვარგარედ უმაღლესი საექიმო სასწავლებელი და სამეცნიერო ან პრაქტიკული სრავი აქვს.

14. იმ პირს, ვისაც ექიმის წოდება აქვს, ეძლევა ყველა უფლება საექიმო პრაქტიკისათვის და აგრეთვე უფლება იმსახუროს საექიმო და საადმინისტრაციო-საექიმო თანამდებობაზე.

**შენიშვნა.** ის ექიმი, ვისაც საექიმო პრაქტიკის უფლება აქვს, შეტანილ უნდა იქნეს იმ სიაში, რასაც ყოველწლიურად გამოაქვეყნებს საქართველოს ჯანმრთელობის სახალხო კომისარიატი.

15. უკეთუ სამხედრო ექიმების რიცხვი საკმარისი არ არის ან უკეთუ სასამართლო მედიცინისათვის საჭიროება მოითხოვს, შეიძლება როგორც კერძო, ისე სამსახურში მყოფი ექიმი მიწვეულ იქნეს სათანადო ორგანოს მიერ, განსაკუთრებული გასამრჯელოს მიცემით, წითელ არმიაში გასაწვევ პირთა შესამოწმებლად და სასამართლო-სამედიცინო ექსპერტიზისათვის.

16. ექიმს უფლება აქვს გააკეთოს ყოველგვარი ოპერაცია და იხმაროს ჰიპნოზი, ნარკოზი, ანესტეზია, ვაკცინა, შრავი და სხვა სამედიცინო საშუალება, რის ხმარებაც ნებადართულია სათანადო წესისამებრ.

**შენიშვნა.** ჰიპნოზის ხმარება ნებადართული აქვს მარტო ექიმს სათანადო სახელმწიფო სამკურნალოსა და სამეცნიერო დაწესებულებაში, ხოლო განსაკუთრებულ შემთხვევაში—ბინაზედაც, ისიც ჯანმრთელობის სახ. კომისარიატის სპეციალური წერილობითი ნებართვით, თანახმად ცალკე ინსტრუქციისა, რომელსაც გამოსცემს აღნიშნული კომისარიატი იუსტიციის სახ. კომისარიატთან შეთანხმებით.

17. ქირურგიული ოპერაციის გაკეთება ექიმს შეუძლიან მხოლოდ სახელმწიფო ან სათანადო ნებართვით დაარსებულ კერძო სამკურნალო დაწესებულ-

ბაში, იმ შემთხვევის გარდა, როდესაც საჭიროა სასწრაფო დაუყოვნებელი დახმარება ან უმარტივესი ოპერაცია, თანახმად განსაკუთრებული სიისა, რასაც გამოსცემს ჯანმრთელობის სახალხო კომისარიატი.

18. ქირურგიული ოპერაციის გაკეთება შეიძლება ავადმყოფის თანხმობით, ხოლო 16 წელზე უმცროს პირისა ან სულით ავადმყოფისათვის—მათი მშობლების ან მეურვეების თანხმობით.

**შენიშვნა.** სიცოცხლისა ან მნიშვნელოვანი ორგანოს გადასარჩენად საჭირო ოპერაცია ექიმს შეუძლია გააკეთოს სხვა ექიმთან კონსულტაციის შემდეგ ავადმყოფის მშობლების ან მეურვის დაუკითხავადაც, უკეთუ ამ უკანასკნელთა შეკითხვამ შეიძლება გამოიწვიოს დაგვიანების რისკი, აგრეთვე ავადმყოფის თანხმობის გარეშეც, როდესაც იგი გონებაში ილია.

უკეთუ თვით კონსულტაცია იწვევს დაგვიანების რისკს, ექიმს შეუძლია მარტო თითონ გადაჭრას ოპერაციის საკითხი. ყოველი ასეთი შემთხვევა ექიმმა უნდა აცნობოს ჯანმრთელობის განყოფილებას არა უგვიანეს 24 საათისა.

19. ექიმს უფლება აქვს გასცეს მოწმობა იმ ავადმყოფობის ჯანმრთელობის შესახებ, რომელსაც იგი მკურნალობდა, და აგრეთვე დაბადებისა და სიკვდილის შესახებ, ამა დადგენილების მე-8 მუხლში აღნიშნული განსაკუთრებული ინსტრუქციის თანახმად.

20. კბილის ექიმის წოდებისა და კბილის წამლობის უფლება აქვს:

ა) იმ პირს, ვისაც დაუსრულებია კბილის საექიმო სასწავლებელი და მიუღია კბილის ექიმის წოდების მოწმობა;

ბ) იმ კბილის ექიმს, რომელსაც დაუსრულებია საზღვარ-გარედ კბილის საექიმო სკოლა და სათანადო გამოცდები ჩაუბარებია საქართველოს და ს. ს. რ. კ-ის ერთ-ერთ უნივერსიტეტში.

21. კბილის ექიმს უფლება აქვს გამოსწეროს რეცეპტი აფთიაქიდან წამლების მისაღებად კბილის მკურნალობის პრაქტიკისათვის ჯანმრთელობის სახალხო კომისარიატის მიერ დაწესებული სპეციალური სიის მიხედვით.

22. კბილის ექიმს შეუძლიან იხმაროს თავისი სპეციალობის დარგში ადგილობრივი ანესტეზია ყველა მეცნიერული მეთოდით.

**შენიშვნა.** საერთო ნარკოზის ხმარება კბილის ექიმს შეუძლიან მხოლოდ ექიმის მონაწილეობით.

23. კბილის ექიმს უფლება აქვს, ამა დადგენილების მე-8 მუხლის თანახმად, გასცეს თავის სპეციალობის ფარგლებში მოწმობა მის მიერ ნამკურნალევი ავადმყოფის წამლობისა და ჯანმრთელობის შესახებ.

24. ექიმის თანაშემწის (ფერშალის) წოდების უფლება აქვს ყველა იმ პირს, რომელმაც დაამთავრა ნორმალური ტიპის საფერშლო სკოლა ან საფერშლო-სამეანო სკოლა და მიიღო სათანადო მოწმობა, აგრეთვე იმასაც, ვინც ჩაბარა სპეციალური გამოცდები სამედიცინო ტექნიკუმში ან ჯანმრთელობის ორგანოებში და მიიღო ფერშლის ან ექიმის თანაშემწის წოდების მოწმობა.

25. ექიმის თანაშემწეს (ფერშალს), რომელმაც მიიღო ეს წოდება 24 მუხ.

გათვალისწინებული წესით და გაიარა არა ნაკლებ, ვიდრე ხუთის წლის პრაქტიკული მუშაობის სტაჟი ერთ-ერთ სახელმწიფო ან საზოგადოებრივ სტატინალური ან სამშუღატორო ტიპის სამკურნალო დაწესებულებაში, ჯანმრთელობის განყოფილებების ნებართვით, უფლება აქვს:

ა) დაამზადოს უმარტივესი წამლები (საქართველოს ს. ს. რ. ჯანსახკომის დამტკიცებულ სიის თანახმად) იმ სამკურნალო დაწესებულებაში, სადაც შტატით ფარმაცევტის თანამდებობა არ არის გათვალისწინებული, ხოლო ძლიერად მომჭმედი წამლები—ექიმის ხელმძღვანელობით;

ბ) იხმაროს სამედიცინო პრაქტიკაში მიღებული გამაფრთხილებელი და სამკურნალო შრატები და ვაქცინა, თანახმად ჯანმრთელობის სახალხო კომისარიატის მიერ ექიმების თანაშემწეთათვის (ფერშლებისათვის) დაწესებული სიისა;

გ) გაუკეთოს უმარტივესი ოპერაციები, ჯანმრთელობის სახალხო კომისარიატის მიერ დაწესებული სპეციალური სიის მიხედვით;

დ) გაუკეთოს ავადმყოფს საერთო ნარკოზი, ოპერაციის გამკეთებელი ექიმის მინდობილობით;

ე) გასცეს თავისი ხელმოწერით მოწმობები: 1) მის მიერ შესრულებული გასაფრთხილებელი აკრისა და ვაქცინაციის შესახებ, 2) იმ პირის ავადმყოფობის შესახებ, რომელსაც იგი სწამლობს, 3) სიკვდილის შესახებ იმ შემთხვევაში, როდესაც აშკარად საჭირო არ არის გვამის სასამართლო-საექიმო გაკვეთა;

ვ) განავოს, ჯანმრთელობის სახ. კომისარიატის სპეციალური ნებართვით, საექიმო პუნქტი ღ ამულატორია განსაკუთრებულ შემთხვევაში, როდესაც საექიმო პუნქტზე ექიმი არ არის ან ექიმების რიცხვი ნაკლებია;

თ) „გ“ პუნქტით გათვალისწინებულ შემთხვევაში გამოუწეროს აფთიაქიდან ავადმყოფს, რომელსაც იგი სწამლობს, ყველა საჭირო საშუალება იმ რაოდენობით, რაც არ აღემატება მაქსიმალურ დოზას, ჯანმრთელობის სახ. კომისარიატის მიერ შემუშავებული სიის მიხედვით.

26. ბებია-ქალის წოდება მიენიჭება იმ პირს, რომელმაც დაასრულა სამეანო სკოლა ან სამეანო ტენიკუმი და მიიღო სათანადო მოწმობა.

27. ბებია-ქალს უფლება აქვს გაუწიოს მშობიარეს დახმარება ნორმალური მშობიარობის დროს. ხოლო უკეთეს მშობიარობა გართულდა ან ნორმალური არ არის, ბებია-ქალი მოვალეა მოიწვიოს ექიმი ან გაგზავნოს მშობიარე ქალი სამშობიარო დაწესებულებაში.

28. ბებია-ქალს უფლება აქვს თავის ბინაზე ორსულს მხოლოდ რჩევიდარიგება მისცეს.

**შენიშვნა.** ბებია-ქალს ეკრძალება თავის ბინაზე ორსული სამშობიაროდ მიიღოს.

29. ბებია-ქალს უფლება აქვს მშობიარეს ოპერატიული დახმარება აღმოუჩინოს, თანახმად ჯანმრთელობის სახ. კომისარიატის მიერ გამოცემულ წესისა, მხოლოდ ისეთ შემთხვევაში, როდესაც საფრთხეშია ჩავარდნილი მშობიარის სი-

ცოცხლე და შეუძლებელია ექიმის მოწვევა ან სამშობიარო დაწესებულებაში მშობიარის გაგზავნა.

**შენიშვნა.** ასეთ ოპერატიულ დახმარებათა სიას აწესებს ჯანმრთელობის სახ. კომისარიატი.

30. ბებია-ქალს უფლება აქვს გამოიწეროს აფთიაქიდან, ჯანმრთელობის სახ. კომისარიატის სპეციალური სიის თანახმად, ყველა ის წამალი, რაც კი მას დასჭირდება მშობიარესათვის დახმარების გაწვევის დროს.

31. ბებია-ქალს უფლება აქვს გასცეს მოწმობა მის მიერ აქმული ბავშვის დაბადების შესახებ, უკეთუ მშობიარობას ექიმი არ დასწრებია.

32. ფარმაცევტის წოდების და მუშაობის უფლება აქვს:

ა) იმ პირს, ვინც დაამთავრა უმაღლესი საფარმაცევტო სასწავლებელი ან უმაღლესი სასწავლებლის ფიზიკო-მათემატიკური ფაკულტეტის ქიმიო-ფარმაცევტული განყოფილება;

ბ) იმ პირს, ვინც დაამთავრა საშუალო ფარმაცევტული სკოლა (ტენიკუმი);

გ) იმ პირს, ვისაც აქვს მოწმობა ფარმაციის მაგისტრისა, პროვიზორისა და სააფთიაქო თანაშემწის წოდებისა;

დ) ვისაც მიუღია საფარმაცევტო განათლება უცხოეთის სასწავლებელში და ჩაუბარებია დაწესებული გამოცდები ს. ს. რ. კ.-ის ერთ-ერთ უნივერსიტეტს ან საფარმაცევტო სკოლაში.

**შენიშვნა.** ჯანმრთელობის სახ. კომისარიატს, განათლების სახ. კომისარიატთან შეთანხმებით, შეუძლიან გაანთავისუფლოს გამოცდებისაგან ის ფარმაცევტი, ვისაც, თუმცა საზღვარგარედ მიუღია საფარმაცევტო განათლება, მაგრამ დაუმსახურებია სახელი თავისი სამეცნიერო ნაშრომებით ან პრაქტიკული მუშაობით.

33. ყველა იმ პირს, ვისაც ფარმაცევტის წოდება აქვს, შეუძლიან აწარმოოს ყოველგვარი კვალიფიციური მუშაობა თავის სპეციალობის დარგში აფთიაქებსა, სააფთიაქო საწყობებსა, ანალიტიურ, ბაქტერიოლოგიურ, ორგანო-თერაპევტიულ და სასამართლო-ქიმიურ ლაბორატორიებში და აგრეთვე საფარმაციო მრეწველობის ქარხნებში.

34. სამედიცინო დის წოდებისა და სათანადო პროფესიონალური მუშაობის უფლება აქვს:

ა) იმ პირს, ვისაც დაუმთავრებია სამედიცინო ტენიკუმი ან სამედიცინო დების (მოწყალე დების) კურსები და მიუღია სამედიცინო დის წოდების მოწმობა;

ბ) იმ პირს, ვისაც დაუმთავრებია მოწყალეების-დების სკოლა ორ წელზე არა ნაკლები კურსით და ყოფილი საექიმო ინსპექტორის სამმართველოს მიერ დამტკიცებული პროგრამით.

35. იმ სამედიცინო დას, ვისაც მიუღია წოდება ამა დადგენილების მე-34 მუხლში გათვალისწინებული წესით და გაუვლია არა ნაკლებ, ვიდრე ხუთი წლის პრაქტიკული მუშაობის სტაჟი ერთ-ერთ სახელმწიფო ან საზოგადოებრივ



სტაციონალურ ან საამბულატორიო ტიპის სამკურნალო დაწესებულებაში, ჯანმრთელობის განყოფილების ნებართვით უფლება აქვს:

ა) დაამზადოს უმარტივესი წამლები (ჯანმრთელობის სახალხო კომისარიატის მიერ დამტკიცებული სიის მიხედვით) იმ სამკურნალო დაწესებულებაში, სადაც შტატით ფარმაცევტი არ არის გათვალისწინებული, ხოლო ძლიერად მომქმედი წამლები—ექიმის ხელმძღვანელობით;

ბ) იხმაროს საექიმო პრაქტიკაში მიღებული გამაფრთხილებელი და სამკურნალო შრატები და ვაქცინები, ჯანმრთელობის სახ. კომისარიატის მიერ ექიმების თანაშემწეთათვის (ფერწლებისათვის) დაწესებული სიის თანახმად;

გ) გაუკეთოს ავადმყოფს საერთო ნარკოზი ოპერაციის გამკეთებელ ექიმის მინდობილობით;

დ) გასცეს თავისი ხელისმოწერით მოწმობა მის მიერ შესრულებული გამაფრთხილებელი აცრისა და ვაქცინაციის შესახებ.

36. ჯანმრთელობის სახალხო კომისარიატს დაევალება, დაინტერესებულ უწყებებთან შეთანხმებით, გამოსცეს ინსტრუქცია ამა დადგენილების შეფარდებისათვის.

სრულიად საქართველოს საბჭოთა ცენტრალური აღმასრულებელი კომიტეტის თავმჯდომარე ფ. მახარაძე.

საქართველოს სოც. საბჭ. რესპუბლიკის სახალხო კომისართა საბჭოს თავმჯდომარე შ. ელიავა.

სრულიად საქართველოს საბჭოთა ცენტრალური აღმასრულებელი კომიტეტის მდივანი შ. მათიკაშვილი.

1927 წ. მაისის 20.

ტფილისი —სასახლე.

80. დ ა დ გ ე ნ ი ლ ე ბ ა № 51 ც. ა. ძ. და ს. ძ. ს.

სამხედრო ტრიბუნალებისა და სამხედრო პროკურატურის დებულების სამოქმედოდ შემოღების გამო სისხლის სამართლის საპროცესო კოდექსში ცვლილებათა და დამატებათა შეტანის შესახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის მიერ 1924 წ. მარტის 10 თარიღით და 77 №-რით გამოცემული დადგენილების მე-2 მუხლის თანახმად და სამხედრო ტრიბუნალებისა და სამხედრო პროკურატურის დებულების (ს. ს. რ. კ.კან. კრებ. 1926 წ. 57 №-რი, მუხ. 413) სამოქმედოდ შემოღების გამო, სრულიად საქართველოს საბჭოთა ცენტრალური აღმასრულებელი კომიტეტი და საქართველოს სოც. საბჭ. რესპ. სახალხო კომისართა საბჭო ადგენენ:

I.

საქართველოს სსრ სისხლის სამართლის საპროცესო კოდექსის 27 და 36 მუხ. შეიცვალოს შემდეგნაირად:

მუხ. 27. სამხედრო ტრიბუნალს ექვემდებარება ყველა საქმე:

ა) სამხედრო დანაშაულისა;

ბ) საქართველოს სოც. საბჭ. რესპუბლიკის სისხლის სამართლის კოდექსის 59-62, 64, 65, 68-70, 72, 73, 76 მუხ., მე-100 მუხ. მე-2 ნაწ., 112, 114-117 მუხ., 187 მუხ. „ე“, „ვ“ და „ზ“ პუნ. და 187<sup>1</sup> მუხ. ვათვალისწინებული სახელმწიფო, სამსახურებრივი და ქონებრივი დანაშაულისა, უკეთუ იგი ამასთანავე ჩადენილია სამხედრო მსახურის მიერ და საფრთხეს წარმოადგენს მუშათა და გლეხთა წითელი არმიის სიმტკიცისა და ძლიერებისათვის ანდა სამხედრო დისციპლინისათვის;

გ) სხვა ისეთი დანაშაულისა, რაც საფრთხეს წარმოადგენს მუშათა და გლეხთა წითელი არმიის სიმტკიცისა და ძლიერებისათვის და რის განხილვა, სსრკ-სა და მოკავშირე რესპუბლიკების სასამართლო წყობილების საფუძველთა 21 მუხლის 1-ლი შენიშვნის წესით, გადაეცემა სამხედრო ტრიბუნალს;

დ) ყველა დანაშაულისა, ვინც უნდა ჩაიდინოს იგი ისეთ ადგილას, სადაც, რაიმე განსაკუთრებული გარემოების გამო, საერთო სასამართლო არ მოქმედობს.

**შენიშვნა.** დივიზიის სამხედრო ტრიბუნალს ექვემდებარება ყოველი ისეთი დანაშაულის საქმე, რასაც ჩაიდენს სამხედრო მსახური არა-ცალკე ბატალიონის უფროსამდე და თვით ეს უფროსიც, აგრეთვე მდგომარეობით მისი თანასწორი პირი.

კორპუსის სამხედრო ტრიბუნალს ექვემდებარება ყველა ისეთი დანაშაულის საქმე, რასაც ჩაიდენს სამხედრო მსახური ლეგიონის უფროსამდე და თვით ეს უფროსიც, აგრეთვე მდგომარეობით მისი თანასწორი პირი.

ოლქის (ფრონტის, ცალკე არმიის, ფლოტის) სამხედრო ტრიბუნალს ექვემდებარება ყველა სამხედრო მსახურის მიერ ჩადენილი დანაშაულის საქმე, გარდა იმ პირთა საქმეებისა, რომელნიც სსრ კავშირის უზენაესი სასამართლოსათვის გამოცემული (სსრკ კან. კრ. 1924 წ. მე-2 №-რი, მუხ. 25) განაწესის 56 მუხლის თანახმად, პერსონალურად ექვემდებარებიან ამ სასამართლოს სამხედრო კოლეგიას.

მუხ. 36 უკეთუ ამა თუ იმ საქმეზე რამდენიმე ბრალდებულია (დანაშაულის ამსრულებელი), რომელთაგან ერთი ან რამდენიმე მათგანი სამხედრო ტრიბუნალს ექვემდებარება, დანარჩენები-კი — საერთო სასამართლოს, ყველა ბრალდებულის საქმეს, თუ მისი გაყოფა შეუძლებელია, განიხილავს სამხედრო ტრიბუნალი.

უკეთუ ამა თუ იმ საქმით ბრალდება აღძრულია რამდენიმე დანაშაულის გამო, რომელთაგან ერთი ან რამდენიმე საერთო სასამართლოს ექვემდებარება, ხოლო დანარჩენი-კი — სამხედრო ტრიბუნალს, ამ დანაშაულთა საქმეს, თუ ეს დანაშაულებანი დაკავშირებულ არიან ერთი მოქმედებით ან ერთი წადილით, განიხილავს სამხედრო ტრიბუნალი. წინააღმდეგ შემთხვევაში ყოველი დანაშაუ-

ლის საქმე ცალკე უნდა იქნეს განხილული საერთო სასამართლოსა და სამხედრო ტრიბუნალში, ქვემდებარეობისამებრ.

## II.

სისხლის სამართლის საპროცესო კოდექსის 1-ლ მუხლს დაემატოს შემდეგი შინაარსის შენიშვნა და ამ შენიშვნის დანართი:

ა.

მუხ. 1. შენიშვნა. სისხლის სამართლის საქმის წარმოების დროს სამხედრო-სასამართლო დაწესებულება იხელმძღვანელებს ამა კოდექსს, იმ გამოჩაქისით, რაც დადგენილ იქნება საერთო-საკავშირო კანონმდებლობის წესით (იხ. დანართი).

ბ.

1-ლი მუხლის შენიშვნის დანართი.

საქმის წარმოება სამხედრო სასამართლო დაწესებულებაში.

(სამხედრო ტრიბუნალებისა და სამხედრო პროკურატურის დებულება (სსრკ კან. კრ. 1926 წ. 57 №-რი, მუხ. 413) 19—37 მუხ.).

1. საქმის წარმოების დროს სამხედრო ტრიბუნალი, გამომძიებელი და მოკვლევის ორგანო იხელმძღვანელებენ:

ა) სსრკ კანონმდებლობას და

ბ) იმ მოკავშირე რესპუბლიკის კანონებს (მათ შორის სისხლის სამართლისა და სისხლის სამართლის საპროცესო კოდექსებს), რომლის ტერიტორიაზედაც ჩადენილია განსახილველი დანაშაული (სამხედრო ტრიბ. დებ. მე-19 მუხ.).

2. მუშათა და გლეხთა წითელ არმიაში მოკვლევის ორგანოდ ისეთი დანაშაულის საქმეზე, რასაც ჩაიდენს სამხედრო მსახური, ცალკე სამხედრო ნაწილის ან მუშათა და გლეხთა წითელი არმიის დაწესებულების სამყოფელ ადგილას, ჩაითვლება ამ სამხედრო ნაწილის უფროსი და კომისარი ანდა ამ დაწესებულების მეთაური და კომისარი.

შენიშვნა. ისეთი დანაშაულის საქმეზე, რასაც ჩაიდენს სამხედრო მსახური სამხედრო ნაწილის და დაწესებულების სამყოფელი ადგილის გარეშე, მოკვლევას მოახდენს მოკვლევის საერთო ორგანო (სამხ. ტრიბ. დებ. მე-20 მუხ.).

3. მოკვლევა ერთ თვეზე მეტ ხანს არ უნდა გაგრძელდეს. სამხედრო ტრიბუნალის ქვემდებარე საქმეზე მთლად მოკვლევის მასალა წარეგზავნება იმ სამხედრო გამომძიებელს, რომლის უბანშიაც განწესებულია მოკვლევის ორგანო:

ა) საქმის მოსასპობად, უკეთეს ეს საქმე არ შეიცავს დანაშაულის ნიშნებს ან თუ დანაშაულები ვერ იქნა აღმოჩენილი;

ბ) სამართალში მისაცემად, უკეთესის საქმე, რომლის წინასწარი გამოძიება სავალდებულო არ არის, შეიცავს დანაშაულის ნიშნებს;

გ) წინასწარ გამოსაძიებლად, უკეთეს ამ საქმის წინასწარი გამოძიება სავალდებულოა.

**შენიშვნა.** ამა მუხლის „გ“ პუნქტ. გათვალისწინებულ შემთხვევაში მოკვლევის ორგანო შეასრულებს მხოლოდ ისეთ მოქმედებას, რაც საქმის დაუყოვნებლივ გამოსარკვევად და რაც ხელს შეუშლის ექვმიტანილს თავი აარიდოს გამოძიებასა და სამართალს ან მოსპოს და დაზარალოს დანაშაულის კვალი; ამის შემდეგ მოკვლევის ორგანო აღარ დაუცდის ერთი თვის ვადის გასვლას და დაუყოვნებლივ გადასცემს გამოძიებულს მთლად მოკვლევის მასალას (სამხ. ტრიბ. დებ. 21 მუხ.).

4. ისეთი დანაშაულის მოკვლევის წარსამართავად, რასაც სამხედრო მსახური ჩაიდენს და რაც არ ექვემდებარება სამხედრო ტრიბუნალს, მუშათა და გლეხთა წითელი არმიის მოკვლევის ორგანო. იხელმძღვანელებს სათანადო მოკავშირე რესპუბლიკის სისხლის სამართლის საპროკესო კოდექსს (სამხ. ტრიბ. დებ. 22 მუხ.).

5. იმ პირის დაპატიმრება, რომელიც მუშათა და გლეხთა წითელი არმიის შედგენილობას არ ეკუთვნის, აგრეთვე გაჩხრეკა და ამორკვევა მოხდება მოკვლევის საერთო ორგანოს მეშვეობით (სამ. ტრიბ. დებ. 23 მუხ.).

6. ყოველი ცალკე საქმის მოკვლევას, რასაც კი მე-2 მუხლში აღნიშნული ორგანო მოახდენს, ზედამხედველობას გაუწევს იმ უზნის სამხედრო გამოძიებელი, სადაც ეს ორგანოა (სამხ. ტრიბ. დებ. 24 მუხ.).

7. ისეთი დანაშაულის საქმის წინასწარი გამოძიება, რაც გათვალისწინებულია სამხედრო დანაშაულთა დებულების (სსრკ კან. კრ. 1924 წ. 24 №, მუხ. 207 და ამავე კრებ. 1926 წ. მე-15 №, მუხ. 106; საქართველოს სსრ სისხლის სამართლის კოდექსის (დანიართი) 2—4, 6—8, 10, 11, 14, 17 და 19 მუხ. სავალდებულო არ არის და გამოძიებულს შეუძლიან მოახდინოს იგი ყოველ ცალკე შემთხვევაში ან საკუთარი თაოსნობით, ან პროკურორის წინადადებით, ან და სამხედრო ტრიბუნალის დადგენილებით. სამხ. ტრიბ. ქვემდებარე ყველა სხვა საქმის წინასწარი გამოძიება სავალდებულოა (სამხ. ტრიბ. დებ. 25 მუხ.).

8. სამხედრო გამოძიებელი, მიიღებს რა ამა დებულების მე-3 მუხ. წესით მოკვლევის მასალას, ან მოსპობს საქმეს ან დაადგენს ბრალდებული სამართალში მიეცეს, ან დააბრუნებს საქმეს დამატებითი მოკვლევისათვის ან და შეუდგება წინასწარ გამოძიებას (სამხ. ტრიბ. დებ. 26 მუხ.).

9. სამხედრო გამოძიებელი წინასწარ გამოძიებას მოახდენს სამხედრო პროკურატურის ზედამხედველობით.

სამხედრო გამოძიებელისათვის სავალდებულოა ყველა წინადადება იმ სამხედრო პროკურორისა, რომელიც მეთვალყურეობას უწევს გამოძიებას. უკეთეს სამხედრო გამოძიებელი არ დაეთანხმა სამხედრო პროკურორის წინადადებას, მას უფლება აქვს, სათანადო მოკავშირე რესპუბლიკის სისხლ. სამართლის საპროკოდექსს გათვალისწინებულ შემთხვევაში აღძრული სადაო საკითხი, წინადადების

შესრულების შეუჩერებელივ, გადასაწყვეტად სათანადო სამხედრო ტრიბუნალს გადასცეს (სამხ. ტრიბ. დებ. 27 მუხ.).

10. სამხედრო ტრიბუნალი მოქმედობს იმ საპროცესო წესების მიხედვით, რაც მოკავშირე რესპუბლიკის სისხლ. სამ. საპრ. კოდ. მიღებულია საგუბერნიო (და მისი თანაბარი) სასამართლოსათვის.

სამხ. ტრიბუნალი თავის განაჩენს გამოაცხადებს სსრკ სახელით (სამხ. ტრიბ. დებ. 28 მუხ.).

11. ყველა სამხედრო ტრიბუნალისათვის საკასაციო ინსტანცია არის სსრკ უზენაესი სასამართლოს სამხედრო კოლეგია (სამხ. ტრიბ. დებ. მე-20 მუხ.).

12. საკასაციო წესით განსაჩივრება იმ ადგილის სამხედრო ტრიბუნალის განაჩენისა სადაც სამხედრო წესი სამხედრო მოქმედებათა ასპარეზზე გამოცხადებული, არ შეიძლება (დებულება „რევოლიუციონური წესრიგის დაცვის არაჩვეულებრივ ღონისძიებათა შესახებ“, მუხ. 16 და 17—სსრკ კან. კრ. 1925 წ. 25 №, მუხ. 167) და ასეთი განაჩენის გაუქმება და შეცვლა შეიძლება მარტოდენ ზედამხედველობის წესით (მუხ. 15) (სამხ. ტრიბ. დებ. 30 მუხ.).

13. იმ ადგილის სამხედრო ტრიბუნალს, სადაც სამხედრო წესი სამხედრო მოქმედებათა ასპარეზის გარეშე გამოცხადებული (დებულება „რევოლიუციონური წესრიგის დაცვის არაჩვეულებრივი ღონისძიების შესახებ“. მუხ. მე-9-14), უკეთუ იგი ვისმე დაზარებულს გადაუწყვეტს და მის განაჩენზე მსჯავრდადებული საკასაციო საჩივარს შეიტანს, უფლება აქვს 24 საათის განმავლობაში ამ განაჩენის გამოტანიდან შუამდგომლობა აღძრას რევოლიუციონურ სამხედრო საბჭოს, იქ კი, სადაც ასეთი საბჭო არ არის,—ჯარის სათანადო შენაერთის სარდლის წინაშე, რათა საკასაციო საჩივარს მსვლელობა არ მიეცეს, ხოლო განაჩენი აღსრულებული იქნეს.

სამხედრო ტრიბუნალის წარდგენა იმის შესახებ, რომ საკასაციო საჩივარს მსვლელობა არ მიეცეს, არ ანთავისუფლებს მას წინა მუხლში აღნიშნულ წესის შესრულებისაგან, და, უკეთუ მიღებულია სათანადო განკარგულება განაჩენის შეჩერების შესახებ, ასეთ განკარგულებას ძალა აქვს იმისდა მიუხედავად, გადაწყვეტილია თუ არა საკითხი საჩივრისათვის მსვლელობის მიუტეხლობის შესახებ (სამხ. ტრიბ. დებ. 21 მუხ.).

14. სამხედრო ტრიბუნალის განმწესრიგებელი სხდომის დადგენილებაზე შეტანილ კერძო საჩივარსა და პროტესტს განიხილავს იმავე სამხედრო ტრიბუნალის განმწესრიგებელი სხდომა, ხოლო სხვა შედგენილობით.

საჩივარსა და პროტესტს საქმის მოსპობის შესახებ გამოტანილ დადგენილებაზე განიხილავს სსრკ უზენაესი სასამართლოს სამხედრო კოლეგია (სამხ. ტრიბ. დებ. 32 მუხ.).

15. სსრკ-ის უზენაესი სასამართლოს<sup>1)</sup> თავმჯდომარესა და პროკურორს, სსრკ უზენაესი სასამართლოს სამხედრო კოლეგიის<sup>2)</sup> თავმჯდომარესა და სსრკ-ის უზენაესი სასამართლოს პროკურორის უფროს თანაშემწეს სამხედრო კოლეგიისა და სამხედრო პროკურატურის საქმეთათვის—უფლება აქვთ გამოით-

ხოვონ ყველა სამხედრო ტრიბუნალიდან სასამართლო საქმე განსახილველად ზედამხედველობის წესით; მათვე ეკუთვნის აგრეთვე უფლება შეაჩერონ განაჩენი ასეთ საქმეზე.

ყოველი სამხედრო ტრიბუნალი, მიიღებს-რა მოთხოვნას საქმის გაგზავნის შესახებ, დაუყოვნებლივ წარგზავნის საქმეს და შეაჩერებს მის წარმოებას. ისეთი საქმის გაგზავნა, რომელსაც ტრიბუნალი უკვე იხილავს სამსჯავრო სსდომი-ზე, შეიძლება მხოლოდ განაჩენის გამოტანის შემდეგ.

იმ ადგილას, სადაც სამხედრო წესი გამოცხადებულია სამხედრო მოქმედებათა ასპარეზზე, ისეთი განაჩენის შეჩერება, რომლითაც დაზარტაა გადაწყვეტილი, შეუძლიან აგრეთვე ფრონტისა, ფლოტისა ან არმიის რეგოლიუციონურ სამხედრო საბჭოს, ხოლო სადაც ასეთი არ არსებობს—სარდალს, იმ პირობით კი, რომ რეგოლიუციონურმა სამხედრო საბჭომ ან სარდალმა განაჩენის შეჩერება აცნობოს არა უგვიანეს 24 საათისა ერთ-ერთს ამა მუხლის პირველ ნაწილში ჩამოთვლილ პირთაგანს, რომელზედაც დამოკიდებულია შემდგომი განკარგულება ამ საქმეზე.

ამის გარდა, სსრკ-ის უზენაესი სასამართლოს პროკურორსა და მის უფროს თანაშემწეს სამხედრო კოლეგიის და სამხედრო პროკურატურის საქმეთათვის—უფლება აქვთ, გამოითხოვონ ისეთი საქმე, რაც ჯერ სამხედრო ტრიბუნალისათვის არ გადაუციათ და წინასწარი გამოძიების სტადიაშია ან და რასაც სამხედრო პროკურატურა იხილავს (სამხ. ტრიბ. დებ. 33 მუხ.).

16. სსრკ-ის უზენაესი სასამართლოს თავმჯდომარისა ან ამავე სასამართლოს სამხედრო კოლეგიის თავმჯდომარის მიერ სამხედრო ტრიბუნალიდან გამოთხოვილი საქმე გადაეცემა დასკვნისათვის სსრკ-ის უზენაესი სასამართლოს პროკურორის უფროს თანაშემწეს სამხედრო კოლეგიისა და სამხედრო პროკურატურის საქმეთათვის. უკეთუ უკანასკნელი ასეთი საქმის წარმოებაში ჰქონდეს ალმოაჩენს არსებითი დარღვევას, ამ გარემოებას აცნობებს სსრკ-ის უზენაესი სასამართლოს თავმჯდომარეს ან ამავე სასამართლოს სამხედრო კოლეგიის თავმჯდომარეს, იმისდა მიხედვით, თუ რომელმა მათგანმა გამოითხოვა საქმე. იმ შემთხვევაში, თუ უკანასკნელი დაეთანხმებიან აღნიშნული პროკურორის თანაშემწის დასკვნას, წარმოება ზედამხედველობის წესით მოისპობა, ხოლო საქმე დაუყოვნებლივ სათანადო ტრიბუნალს დაებრუნება.

უკეთუ სსრკ-ის უზენაესი სასამართლოს თავმჯდომარე ან ამა სასამართლოს სამხედრო კოლეგიის თავმჯდომარე, რომელმაც საქმე გამოითხოვა, არ დაეთანხმება სსრკ-ის უზენაესი სასამართლოს უფროსი თანაშემწის დასკვნას, აგრეთვე ყველა ისეთ შემთხვევაში, როდესაც ეს უკანასკნელი აღმოაჩენს საქმის წარმოებაში რაიმე არსებითი დარღვევას, საქმე სათანადო დასკვნითურთ წარგზავნება სსრკ-ის უზენაეს სასამართლოს სამხედრო კოლეგიას (სამხ. ტრიბ. დებ. 34 მუხ.).

17. უკეთუ ის საქმე, რომელიც გამოითხოვა სსრკ-ის უზენაესი სასამართლოს პროკურორმა ან მისმა უფროსმა თანაშემწემ სამხედრო კოლეგიისა და სამხედრო პროკურატურის საქმეთათვის, წინასწარი გამოძიების სტადიაში ან

მას სამხედრო პროკურატურა იხილავს, იგი დაბრუნებულ უნდა იქნეს კუთვნილებისამებრ—სათანადო დირექტივებით.

ხოლო, უკეთეს გამოთხოვილი საქმე უკვე შეტანილი იყო სამხედრო ტრიბუნალში, და უკეთეს რაიმე არსებითი დარღვევა იქნა აღმოჩენილი, იგი წარიმართება სსრკ-ის უზენაესი სასამართლოს სამხედრო კოლეგიაში ს. ს. რ. კ-ის უზენაესი სასამართლოს პროკურორის უფროსი თანაშემწის დასკვნითურთ. იმ შემთხვევაში კი, თუ ასეთი დარღვევა არ იქნა აღმოჩენილი, წარმოება ზედამხედველობის წესით მოისპობა და საქმე დაებრუნება სამხედრო ტრიბუნალს (სამხ. ტრიბ. დებ. 35 მუხ.).

18. ყოველი ისეთი განაჩენის გამოტანას, რომლითაც დახვრეტა იქნება გადაწყვეტილი, სამხედრო ტრიბუნალი, იმისდა მიუხედავად, შეტანილია თუ არა საკასაციო საჩივარი ან პროტესტი, დაუყოვნებლივ აცნობებს ტელეგრაფით სსრკ-ის უზენაესი სასამართლოს სამხედრო კოლეგიის თავმჯდომარეს და სსრკ-ის უზენაესი სასამართლოს პროკურორის უფროსი თანაშემწის სამხედრო კოლეგიისა და სამხედრო პროკურატურის საქმეთათვის; ხოლო იმ ადგილას, სადაც სამხედრო წესი მოქმედებათა ასპარეზზეა გამოცხადებული, აცნობებს აგრეთვე სათანადო რეგულიაციონურ სამხედრო საბჭოს ან სარდალს (მუხ. 15); ამასთანავე ამ ცნობაში აღნიშნავს განაჩენის გამოტანის რიცხვსა, თვესა და საათს, ბრალდების მოკლე შინაარსს, სისხლის სამართლის კანონის იმ მუხლებს, რომლებითაც დამნაშავეს მსჯავრი დაედო, აღნიშნავს აგრეთვე მსჯავრდებულის გვარსა, ს.ხელს, მამის სახელს, რა კლასს ეკუთვნის იგი და რა თანამდებობა ეჭირა, მის წლოვანებას და განათლებას (სამხ. ტრიბ. დებ. 36 მუხ.).

19. ისეთი განაჩენის აღსრულება, რომლითაც დახვრეტაა გადაწყვეტილი, შეიძლება მხოლოდ მას შემდეგ, უკეთეს 72 საათის განმავლობაში იმ მომენტიდან, რაც ტელეგრაფით ცნობა ჩაბარდა წინა მუხლში დასახელებულ პირთ, მიღებულ არ იქნება განკარგულება განაჩენის შეჩერების შესახებ:

ა) ან რომელიმე იმ პირისა და ორგანოსაგან, რომელიც დასახელებულია ამა დებულების მე-5 მუხლში;

ბ) ან სსრკ-ის ცენტრალური აღმასრულებელი კომიტეტის პრეზიდიუმისაგან;

გ) ან იმ მოკავშირე რესპუბლიკის ცენტრალური აღმასრულებელი კომიტეტის პრეზიდიუმისაგან, რომლის ტერიტორიაზედაც გამოტანილია აღნიშნული განაჩენი; ამასთან ეს პრეზიდიუმი მოახდენს-რა განკარგულებას განაჩენის შეჩერების შესახებ, ამავე დროს აღძრავს საკითხთს სსრკ-ის ცენტრალური აღმასრულებელი კომიტეტის წინაშე მსჯავრდებულის შეწყალების შესახებ.

უკეთეს ამა თუ იმ საქმეზე შეტანილია საკასაციო საჩივარი ან პროტესტი, განაჩენი, ყოველ შემთხვევაში, არ იქნება აღსრულებული, ვიდრე სსრკ-ის უზენაესი სასამართლოს სამხედრო კოლეგია არ განიხილავს ამ საჩივარს ან პროტესტს (სამხ. ტრიბ. დებ. 37 მუხ.).

### III.

ამოიწალოს:

სისხლის სამართლის საპროცესო კოდექსიდან: 95 მუხ. შენიშვნა, 108 მუხ. შენიშვნა, 381, 389 მუხ., 400 მუხ. შენიშვნა, 407 მუხ. 426 მუხ. 1 შენიშვნა, 427 მუხ. შენიშვნა და 428 მუხ. „დ“ პუნქტი;



433, 436, 438, 440, 441 და 444 მუხლებში სიტყვები "და" „ტრიბუნალი“ და „ან ტრიბუნალი“;

32. მუხლიდან სიტყვები „ან ოლქის სასამართლოდან სამხედრო ტრიბუნალში ან და სამხედრო ტრიბუნალიდან ოლქის სასამართლოში“ და

393. მუხლიდან უკანასკნელი ფრაზა, სიტყვებიდან—„ხოლო უკეთეს საქმე განხილულ იქნა სამხედრო ტრიბუნალის მიერ“—ბოლომდე.

სრულიად საქართველოს საბჭოთა ცენტრალური აღმასრულებელი კომიტეტის თავმჯდომარე ფ. მახარაძე.

საქართველოს სოც. საბჭ. რესპუბლიკის სახალხო კომისართა საბჭოს თავმჯდომარე შ. ელიავა.

სრულიად საქართველოს საბჭოთა ცენტრალური აღმასრულებელი კომიტეტის მდივანი შ. მათიკაშვილი

1927 წ. მაისის 20.

ტფილისი—სასახლე.

## სახალხო კომისართა საბჭოს დადგენილება.

### 81. დ ა დ გ ე ნ ი ლ ე ბ ა ს. კ. ს.

**საბაჟო დაწესებულებების მიერ დადებული ჯარიმის გადაუხდელობისათვის პასუხისმგებლობის შესახებ.**

საბაჟო წესდების 275 მუხლის თანახმად საქართველოს სოც. საბჭ. რესპუბლიკის სახალხო კომისართა საბჭო ადგენს:

1. ის ჯარიმა, რასაც საბაჟო დაწესებულება, საბაჟო წესდების 262 მუხ. წესით (კან. კრ. 1926 წ. 59 №-რი, მუხ. 443), დაადებს უბრალო კონტრაბანდისათვის, შეტანილ უნდა იქნეს საბაჟოს ან ფინანსთა სახალხო კომისარიატის სალაროში ორი კვირის ვადაზე იმ დღიდან, რაც დაჯარიმებულს გამოეცხადა, რომ საბაჟოს დადგენილება გადასახდელის დადების შესახებ ძალაშია შესული, ხოლო უკეთეს ეს გადაწყვეტილება განსაზღვრებულ იქნა არსებული წესისამებრ—იმ დღიდან, რაც გამოეცხადებულ იქნება მთავარი საბაჟოს სამმართველოს ამიერკავკასიის განყოფილების ასეთი დადგენილება.

2. უკეთეს 1-ლ მუხ. განსაზღვრული ორი კვირის ვადის განმავლობაში შეტანილ არ იქნა საბაჟო დაწესებულების მიერ დადებული ჯარიმა, დამნაშავეს შეიძლება გადაეწყვიტოს იძულებითი მუშაობა ერთ თვემდე იმ წესით, რაც განსაზღვრულია სავალდებულო დადგენილებათა დარღვევისათვის გადასახდელის დასადებად.

3. დადგენილება ესე ძალაში შედის დღიდან მისი გამოქვეყნებისა.

საქართველოს სოც. საბჭ. რესპუბლიკის სახალხო კომისართა საბჭოს თავმჯდომარის მ. დ. ა. გ. მგალობლიშვილი.

საქართველოს სოც. საბჭ. რესპუბლიკის სახალხო კომისართა საბჭოს საქმეთა მმართველი ალ. ხალარძე.

1927 წ. მაისის 3.

ტფილისი—სასახლე



## 82. დ ა დ გ ე ნ ი ლ ე ბ ა ს. კ. ს.

სისხლის სამართლის საქმეთა მაძიებელ მილიციის თანამშრომელთათვის ბოროტ-მოქმედებით მოპოებული ქონების აღმოჩენისათვის ჯილდოს დაწესების თაობაზე 1923 წ. მაისის 15-ს თარიღით და 95 №-ით გამოცემული დადგენილების გაუქმების შესახებ.

საქართველოს სოციალისტური საბჭოთა რესპუბლიკის სახალხო კომისართა საბჭო ადგენს:

სისხლის სამართლის მილიციის თანამშრომელთათვის ბოროტ-მოქმედებით მოპოებული ქონების აღმოჩენისათვის ჯილდოს დაწესების თაობაზე 1923 წ. მაისის 15-ს თარიღით და 95 №-ით გამოცემული დადგენილება („მოამბე“ 1923 წ. № 52) გაუქმებული იქნეს.

საქართველოს სოც. საბჭოთა რესპუბლიკის სახალხო კომისართა საბჭოს თავმჯდომარის მოვ. დრ. აღმასრულებელი გ. მგალობლიშვილი.  
 საქართველოს სოც. საბჭ. რესპუბლიკის სახალხო კომისართა საბჭოს საქმეთა მმართველ ალ. ხალარაძე.

1927 წ. მაისის 6  
 ტფილისი—სასახლე

გამოქვეყნებულია ვაზ. „კომუნისტის“ 133 №-ში 1927 წ. ივნისის 14.

## 83. დ ა დ გ ე ნ ი ლ ე ბ ა ს. კ. ს.

იმ წესების დამტკიცების შესახებ, რომლითაც მილიციის ორგანოები მოვალენი არიან საქართველოს სოც. საბჭ. რესპუბლიკაში დახმარება გაუწიონ საგადასახადო გარე-ზედამხედველობის ორგანოთ ვაჭრობისა და რეწობის სახელმწიფო სარეწავი გადასახადით დაბეგვრის შემოწმების დროს.

საქართველოს სოც. საბჭ. რესპუბლიკის სახელხო კომისართა საბჭო ადგენს: დამტკიცებულ იქნეს შემდეგი წესები მილიციის ორგანოების მოვალეობის შესახებ დახმარება გაუწიონ საქართველოს ს. ს. რ-ში საგადასახადო გარე-ზედამხედველობის ორგანოთ ვაჭრობისა და რეწობის სახელმწიფო სარეწავი გადასახადით დაბეგვრის შემოწმების დროს.

საქართველოს სოც. საბჭ. რესპუბლიკის სახალხო კომისართა საბჭოს თავმჯდომარის მოადგილე ს. ჯუღელი.

საქართველოს სოც. საბჭ. რესპუბლიკის სახალხო კომისართა საბჭოს საქმეთა მმართველი ალ. ხალარაძე.

1927 წ. მაისის 9  
 ტფილისი—სასახლე

## წ ე ს ე ბ ი

**მილიციის ორგანოების მოვალეობის შესახებ დახმარება გაუწიონ საქართველოში ს. ს. რ.-ში საგადასახადო გარე-ზედამხედველობის ორგანოთ ვაჭრობისა და რეწაობის სახელმწიფო გადასახადით დაბეგვრის შემოწმების დროს.**

მილიციის ორგანოები მოვალენი არიან დახმარება გაუწიონ საქართველოს ს. ს. რ.-ში საგადასახადო გარე-ზედამხედველობის ორგანოთ ვაჭრობისა და რეწაობის სახელმწიფო სარეწავი გადასახადით დაბეგვრის შემოწმების დროს (საგადასახადო ზედამხედველობის შესახებ 1926 წ. ოქტომბრის 1-ს თარიღით გამოცემული დებულების მე-14 და 16 მუხ. და სახელმწიფო სარეწავი გადასახადის შესახებ 1926 წ. სექტემბრის 24-ს თარიღით გამოცემული დებულების მე-11 და 49 მუხ.), რისთვისაც უნდა იხელმძღვანელონ შემდეგი წესები:

1. უკეთუ საგადასახადო გარე-ზედამხედველობის ორგანო მოსთხოვს მილიციის უფროსს ან სათანადო აღმასკომს მილიციის აგენტების მივლინებას საგადასახადო გარე-ზედამხედველობის ორგანოს განკარგულებაში ვაჭრობისა და რეწაობის სახელმწიფო სარეწავი გადასახადით დაბეგვრის შემოწმების დროს დახმარების აღმოსაჩენად, ასეთი თხოვნა დაუყოვნებლივ უნდა იქნეს შესრულებული.

2. მილიციის აგენტი, რომელსაც დავალებული ექნება საგადასახადო გარე-ზედამხედველობის ორგანოსათვის დახმარების აღმოჩენა, მოვალეა დაესწროს ამ ორგანოს მიერ ოქმის შედგენას უპატენტო ან არა-სათანადო პატენტით ვაჭრობისა და რეწაობის შესახებ და მოაწეროს ხელი ასეთ ოქმს, როგორც მოწმემ, უკეთუ საწარმოს პატრონი ან მის მაგიერი პირი ხელის მოწერაზე უარს განაცხადებს.

3. მილიციის აგენტი, მიიღებს თუ არა წერილობითი მოთხოვნას პირდაპირ გადასახადთა ინსპექტორისა და ან მისი თანაშემწისაგან, სარეწავი გადასახადის დებულების მე-11 მუხ. წესისამებრ, საწარმოს დახურვის შესახებ (მოთხოვნაში გარკვევით უნდა იყოს აღნიშნული, რა ფასისა ან რა ხარისხის პატენტის უქონლობისათვის იხურება საწარმო), დახურავს საწარმოს შესასვლელი კარების დაბეჭდვით ან სხვა ისეთი საშუალებით, რაც ადგილობრივი პირობების მიხედვით უფრო მიზანშეწონილი იქნება რეწაობის ან ვაჭრობის შესაწყვეტად. საწარმოს დახურვის შესახებ მილიციის აგენტი შეადგენს გენსაკუთრებულ ოქმს, რაც დაუყოვნებლივ პირდაპირ გადასახადთა სათანადო ინსპექტორს გაგზავნება.

4. როდესაც საწარმოს პატრონი წარუდგენს მილიციას მის მიერ აღებულ პატენტს, მილიცია გამოარკვევს—შეესაბამება იგი თავისი ფასით და ხარისხით იმ პატენტს, რაც პირდაპირ გადასახადთა ინსპექტორის ან მისი თანაშემწის წერილობით მოთხოვნაშია აღნიშნული, და, უკეთუ შეესაბამება, დაუყოვნებლივ ახსნის დახურულ საწარმოს ბეჭედს ან გააუქმებს ვაჭრობაზე და სარეწავიზე დადებულ აკრძალვას. საწარმოს გახსნას მილიცია დაუყოვნებლივ აცნობებს პირ-

დაპირ გადასახადთა სათანადო ინსპექტორს წარდგენილი პატენტის ხარისხისა, გაცემის დროისა და ნომრის აღნიშვნით.

5. უკეთუ პირდაპირი გადასახადის ინსპექტორი ან მისი თანაშემწე აღმოაჩენს უპატენტოდ ფეხზედ ვაჭრობას ან ვაჭრობას ისეთ სადგომში, რომლის დაბეჭვდაც ტენიკურად მოუხერხებელია, აგრეთვე უკეთუ აღმოჩენილ იქნება უპატენტოდ საქონლის შესყიდვა სხვისთვის მისაყიდად და ამის გამო საჭირო იქნება გასაყიდი ან დამზადებული საქონლის შეკვრა სარეწავი გადასახადის დებულების მე-12 მუხლისამებრ, მილიციის აგენტი მოვალეა დაესწროს საქონლის აღწერას და შეკვრას, აგრეთვე საჯარო ვაჭრობით გაყიდვასაც, რასაც მოახდენს პირდაპირ გადასახადთა ინსპექტორი ან მისი თანაშემწე, გადასახადთა აკრეფის დებულების სათანადო მუხლების მიხედვით, უკეთუ სამი დღის განმავლობაში დღიდან საქონლის დაკავებისა, მოთხოვნილი პატენტი წარდგენილი არ იქნება.

გამოქვეყნებულია გაზ. „კომუნისტის“ 111 №-ში 1927 წ. მაისის 10

ტფილისი-სასახლე.

#### 84. დ ა დ გ ე ნ ი ლ ე ბ ა ს. ძ. ს.

(ტირიფონის სარწყავი არხის გაყვანის სამუშაოთა მდგომარეობის გამოხარკვევად კომისიის დანიშვნის შესახებ.

1. ტირიფონის სარწყავი არხის გაყვანის სამუშაოთა მდგომარეობის გამოსარკვევად დანიშნოს კომისია ამხ. შადღუნცის თავმჯდომარეობით და საქართველოს ს. ს. რ. წყალთა მეურნეობის სამმართველოს უფროსის ამხ. ბახტაძისა და გორის სამაზრო აღმასკომის წარმომადგენელის ამხ. კალმახელიძის შემადგენლობით.

2. დაველოს ზემოაღნიშნულ კომისიას ორი კვირის განმავლობაში გამოსარკვეოს როგორც შესრულებული სამუშაოების, ისე არხის დასამთავრებლად საჭირო სამუშაოთა რაოდენობა, აგრეთვე რაოდენობა ამ მიზნისათვის საჭირო თანხებისა და ხსენებული არხის ფაქტიური გახსნის ვადა.

სახალხო კომისართა საბჭოს თავმჯდომარის მოადგილე **ს. ჯუღელი.**

საქმეთა მმართველი **ალ. სალარიძე.**

1927 წ. მაისის 12.

ტფილისი—სასახლე.

გამოქვეყნებულია გაზ. „კომუნისტის“ 106 №-ში 1927 წ. მაისის 13.

## 85. დ ა დ გ ე ნ ი ლ ე ბ ა ს. კ. ს.

საბუხჰალტერო და ანგარიშწარმოების კურსების დებულების დამტკიცების შესახებ.

საქართველოს სსრ სახალხო კომისართა საბჭო ადგენს: დამტკიცებულ იქნეს ამასთანავე დართული დებულება საბუხჰალტერო და ანგარიშწარმოების კურსების შესახებ.

საქართველოს სსრ სახალხო კომისართა საბჭოს თავმჯდომარის მოადგილე ს. ჯუღელი.

საქართველოს სსრ სახალხო კომისართა საბჭოს საქმეთა მმართველი ალ. ხალარიძე.

1927 წ. მაისის 31.

ტფილისი—სასახლე.

## დ ე ბ უ ლ ე ბ ა.

საბუხჰალტერო და ანგარიშწარმოების კურსების შესახებ.

1. საბუხჰალტერო კურსების მიზანია: ა) მოამზადოს სათანადო სპეციალური ცოდნით აღჭურვილი მომუშავენი საბანკო, კომუნალური, საკოოპერაციო, საქარხნო-საფაბრიკო, სასოფლო-მეურნეობის და სხვ. ანგარიშწარმოების დარგში; ბ) აამაღლოს ზემოაღნიშნულ დარგში მომუშავე ბუხჰალტრებისა და მოანგარიშეების კვალიფიკაცია.

2. საბუხჰალტერო და ანგარიშწარმოების კურსები განათლების სახალხო კომისარიატის პროფესიონალური განათლების მთავარი სამმართველოს უშუალო გამგებლობაშია.

3. საბუხჰალტერო კურსების მოწყობა შეიძლება მხოლოდ განათლების სახალხო კომისარიატის პროფესიონალური განათლების მთავარი სამმართველოს ნებართვით.

4. კურსები სამეურნეო ანგარიშზეა.

5. კურსების დამაარსებელთა სახსარით შეძენილი ქონება, კურსების დახურვის შემდეგ დარჩება დამაარსებელთ, ხოლო ის ქონება, რაც შეძენილი იქნება კურსების შემოსავლით, გადავა განათლების სახალხო კომისარიატის განკარგულებაში.

6. კურსებზე მსმენელად მიიღებიან ორივე სქესის მოქალაქენი ასაკით 17 წლისაზე არა უმცროსი, ვისაც აქვს საერთო საშუალო განათლება შეიღწიანი შრომის სკოლის პროგრამის ფარგლებში.

**შენიშვნა.** ეს მოთხოვნა არ გავრცელდება იმ მუშა-მოსამსახურეზე, რომელიც უკვე მსახურობს ანგარიშწარმოების დარგში და მოისურვებს კურსებზე შესვლას თავისი ცოდნის გასაძლიერებლად.

7. კურსებზე მისაღებ მსმენელთა რიცხვი განისაზღვრება იმ ვარაუდით, რომ თეორიული მეცადინეობის დროს ჯგუფებში იყოს არა უმეტეს 6მ კაცისა, ხოლო პრაქტიკულ მეცადინეობის დროს — არა უმეტეს 25 კაცისა.

8. კურსის დამთავრებისას მსმენელებს დაენიშნებათ საბოლოო გამოცდები, პროფესიონალური განათლების მთავარი სამმართველოსი და საბჭოთა დავაჯობის დარგში მომუშავეების კავშირის წარმომადგენელთა თანდასწრებით. გამოცდებზე შეიძლება აგრეთვე მიწვეულ იქნენ სხვადასხვა დაწესებულებათა წარმომადგენლებიც.

9. უკეთუ საბოლოო გამოცდებზე მინაშეები მსმენელი დამაკმაყოფილებლად ჩააბარებს ამ გამოცდებს ზემოაღნიშნულ კომისიაში, იგი მიიღებს სათანადო მოწმობას პროფესიონალური განათლების მთავარი სამმართველოს მიერ დამტკიცებული ფორმით.

**შენიშვნა.** მოწმობას აუცილებლად უნდა ხელი მოაწეროს განათლების სახ. კომისარიატის პროფესიონალური განათლების მთავარი სამმართველოს წარმომადგენელმა.

10. კურსებს აქვს თავისი ბეჭედი და შტამპი სათანადო წარწერით.

11. სწავლა კურსებზე ფასიანია. სწავლის ფულის რაოდენობა და მისი გადახდის წესს განსაზღვრავს განათლების სახ. კომისარიატის პროფესიონალური განათლების მთავარი სამმართველო.

**შენიშვნა.** კურსების ხარჯთაღრიცხვა უნდა დამტკიცებულ იქნეს პროფესიონალური განათლების მთავარი სამმართველოს მიერ.

12. პროფესიონალური განათლების მთავარ სამმართველოს უფლება აქვს მიავლინოს კურსებზე მსმენელები როგორც უფასოდ, ისე ფასდაკლებით; ამასთანავე უფასო მსმენელთა რიცხვი არ უნდა აღემატებოდეს მსმენელთა საერთო რიცხვის 20 პროცენტს.

13. როგორც პედაგოგიური და ტექნიკური პერსონალის შესანახი ხარჯი, ისე ყოველი სხვა ხარჯი სასწავლო და სამეურნეო საჭიროებისათვის გასტუმრებულ უნდა იქნეს სწავლის ფულით. უკეთუ ყველა ხარჯის გასტუმრების შემდეგ კურსებს დარჩება რაიმე თანხა, იგი უნდა გადაეცეს განათლების სახ. კომისარიატს პროფესიონალური განათლების საჭიროებისათვის.

14. კურსების მასწავლებელთა და ტექნიკურ მომუშავეთა ხელფასი არ შეიძლება იმ განაკვეთზე ნაკლები იყოს, რაც განათლების მომუშავეთა კავშირის მიერ დაწესებულია ამ კურსების თანაბარი ტიპის სასწავლებლების მომუშავეთათვის.

15. კურსებზე სწავლების ვადას განსაზღვრავს განათლების სახ. კომისარიატის პროფესიონალური განათლების მთავარი სამმართველო. ეს ვადა აღინიშნება მოწმობაში (მე-9 მუხ.).

16. კურსების გამგეს დაამტკიცებს განათლების სახ. კომისარიატის პროფესიონალური განათლების მთავარი სამმართველო.

**შენიშვნა.** კურსების გამგეს უნდა ჰქონდეს, ყოველ შემთხვევაში სპეციალური საშუალო განათლება და სამი წლის მასწავლებლობის სტაჟი სათანადო სპეც-სასწავლებელში.

17. გამგე არის პასუხისმგებელი კურსებზე სწავლების საქმის სათანადო დაყენებისათვის. ამის გარდა, მის მოვალეობას შეადგენს: 1) მასწავლებლების შერჩევა და მათი წარდგენა დასამტკიცებლად პროფესიონალურ განათლების მთავარ სამართველოსათვის, აგრეთვე შუამდგომლობის აღძვრა ამავე მთავარ სამართველოს წინაშე მასწავლებლების მოხსნის შესახებ; 2) ტექნიკურ მომუშავეთა სამსახურში მიღება და დაოხონა შრომის მოქმედ კანონთა თანახმად, 3) კურსების სასწავლო კოლეგიის თავმჯდომარეობა და 4) ანგარიშების წარდგენა განათლების სახ. კომისარიატის პროფესიონ. განათლების მთავარ სამართველოსათვის.

18. კურსებზე მოეწყობა სასწავლო კოლეგია, რომელშიაც შევლენ: კურსების გამგე (როგორც თავმჯდომარე), მისი მოადგილე (უკეთუ იგი იქნება), კურსების ლექტორები და მსმენელთა ერთი წარმომადგენელი.

სასწავლო კოლეგიის მოვალეობის საგანს შეადგენს: 1) საპროგრამო საკითხების გადაწყვეტა; 2) საბოლოო გამოცდების შედეგის განხილვა და კურსდამთავრებულთათვის სათანადო მოწმობების მიცემა.

**შენიშვნა.** იმ სხდომას, რომელიც განიხილავს კურსდამთავრებულთათვის მოწმობების მიცემის საკითხს, აუცილებლად უნდა დაესწრნენ პროფესიონ. განათლების მთავარი სამართველოს და იმ ორგანიზაციების წარმომადგენლები, რომლებიც გამოცდებში მონაწილეობას იღებდნენ.

---

## 86. დ ა დ გ ე ნ ი ლ ე ბ ა ს. კ. ს.

**საქართველოს სსრ ჯანმრთელობის სახალხო კომისარიატის გამომცემლობის დებულების დამტკიცების შესახებ.**

საქართველოს სსრ სახალხო კომისარიატის საბჭო ადგენს; დამტკიცებულ და სამოქმედოდ შემოღებულ იქნეს ამასთანავე დართული დებულება საქართველოს სსრ ჯანმრთელობის სახალხო კომისარიატის გამომცემლობის შესახებ.

საქართველოს სსრ სახალხო კომისარიატის საბჭოს  
თავმჯდომარის მოადგ. ს. ჯუღელი.

საქართველოს სსრ სახალხო კომისარიატის საბჭოს  
საქმეთა მმართველი ალ. სალარიძე.

1927 წ. მაისის 31.  
ტფილისი — სასახლე.

## დ ე ბ უ ლ ე ბ ა

საქართველოს ჯანმრთელობის სახალხო კომისარიატის გამომცემლობის შესახებ.

### I. საერთო ნაწილი.

1. საბჭოთა მედიცინის პრინციპების ფართო მასაში გავრცელების და მშრომელთა შორის სანიტარული განათლებისა და ჯანმრთელობის დარგის ყველა ღონისძიებათა პოპულარიზაციისათვის, საქართველოს სსრ ჯანმრთელობის სახალხო კომისარიატის საერთო ხელმძღვანელობით, ჯანმრთელობის სახალხო კომისარიატის სანიტარული განათლების სამმართველოსთან არსდება გამომცემლობა სახელწოდებით „საქარ ზველოს სსრ ჯანმრთელობის სახალხო კომისარიატის გამომცემლობა“.

2. პირველ მუხლში აღნიშნული მიზნების განსახორციელებლად გამომცემლობას უფლება აქვს: ა) შეამზადოს, გამოსცეს და გაავრცელოს მისი განკარგულებაში გადასული გამოცემები „ჯანმრთელობის სახ. კომისარიატის მოამბე“ და „საუნჯე“ და გამოსცეს არაპერიოდული ბეჭდვითი ნაწარმოებნი ჯანმრთელობის საკითხების გამო (წიგნები, ბროშურები და სხვ.); ბ) შეიძინოს, გაასხვისოს და მიიღოს საკომისიოდ სხვა გამოცემები და მასალები; გ) მიიღოს შეკვეთა სხვადასხვა სახის სამედიცინო და სხვა ლიტერატურის გამოცემაზე; დ) აწარმოოს ვაჭრობა ბეჭდვითი ნაწარმოებისა და აგრეთვე ნიშნებისა, ემბლემებისა, სურათებისა, პლაკატებისა და საკანცელარიო და საწერი საგნებისა; ე) გახსნას საჭიროებისამებრ განყოფილებანი, იქონიოს სტამბა, მალაზიები, საწყოები, კიოსკები და სხვ.

3. გამომცემლობა სახელმწიფო დაწესებულებაა, იმოქმედებს საკომერციო ანგარიშზე, ისარგებლებს იურიდიული პირის ყველა უფლებას და პასუხს აგებს მთელი თავისი ქონებით. სახელმწიფო ხაზინა გამომცემლობის ვალებისთვის პასუხს აგებს მხოლოდ იმ დოტაციის ფარგლებში, რაც გამომცემლობას განსაზღვრული წესით მიეცემა.

4. გამომცემლობას აქვს ბეჭედი თავისი სახელწოდების გამოხატულებით.

5. გამომცემლობა იმყოფება ტფილისში.

### II. გამომცემლობის სახსარი.

6. გამომცემლობის სახსარს შეადგენს: ის თანხები და მასალები, რასაც მას ჯანმრთელობის სახალხო კომისარიატი გადასცემს, მისი ოპერაციებით შემოსული თანხები და აგრეთვე დეფიციტის დასაფარავად ხაზინიდან განსაზღვრული წესისამებრ სახელმწიფო ბიუჯეტით მიღებული თანხა (დოტაცია).

### III. გამომცემლობის საგამგეო და სარევიზიო ორგანოები.

7. გამომცემლობის საქმეთა ხელმძღვანელობა და გამგებლობა ეკუთვნის ჯანმრთელობის სახალხო კომისარიატს, სარედაქციო კოლეგიას და გამომცემლობის გამგეს.

8. ჯანმრთელობის სახალხო კომისარიატი მე-7 მუხლში აღნიშნულ ვიდეოციებს განახორციელებს სასანიტარო-საეპიდემიო განყოფილების მეშვეობით.

9. ჯანმრთელობის სახალხო კომისარიატის გამგებლობის საგანს შეადგენს: ა) გამომცემლობის გამგისა და სარედაქციო და სარევიზიო კომისიის წევრების დანიშვნა; ბ) გამომცემლობის შტატის დამტკიცება; გ) გამომცემლობის გეგმებისა, ხარჯთაღრიცხვებისა და ანგარიშების დამტკიცება; დ) ამა დებულების მუხლებისა და გამომცემლობის თანხების (მუხ. მე-6) რაოდენობის შეცვლის საკითხის განხილვა და არსებული წესით სათანადო პროექტებისა და დადგენილებების წარდგენა; ე) გამომცემლობის ლიკვიდაციის საკითხის გადაწყვეტა; ვ) გამომცემლობის გამგის მუშაობისათვის ხელმძღვანელობის გაწევა.

10. სარედაქციო კოლეგია დაინიშნება ერთი წლით და შესდგება 3 წევრისაგან.

11. სარედაქციო კოლეგიის გამგებლობის საგანს შეადგენს: ა) ამა თუ იმ გამოცემის ან საჟურნალო წერილის გაშვების საკითხის გადაწყვეტა; ბ) დასაბეჭდი მასალისათვის რედაქციის გაკეთება.

12. გამომცემლობის გამგის გამგებლობის საგანს შეადგენს: მთლად გამომცემლობის ოპერაციების ხელმძღვანელობა, როგორცაა: მუშა-მოსამსახურეთა მიღება და დათხოვნა, სალაროს მოწყობა, საქმის წარმოება, ანგარიშების წარმოება, ხარჯთაღრიცხვებისა და მოქმედების გეგმის შედგენა; ქონების ყიდვა-გაყიდვა ნაღდად და ნასიად, თამაშუქებისა და სხვა ვალდებულების გაცემა, მიღება და განაღდება; ყველა კანონიერი საკრედიტო და სადასახლვეო და სხვ. ოპერაციების წარმოება, სასამართლოში სარჩელის აღძვრა და პასუხისგება განსაკუთრებული რწმუნებულობის წარუდგენლად და რწმუნებულის მეშვეობითაც, რისთვისაც დატული უნდა იქნეს კანონით განსაზღვრული წესები.

13. გამგის ყველა პრინციპიალური და უალრესი მნიშვნელობის განკარგულება ჩაიწერება განკარგულებათა ჟურნალში გამგის ხელის მოწერით; გამომცემლობის მიწერ-მოწერა სწარმოებს გამგის ხელის მოწერით.

14. გამომცემლობის საქმეთა რევიზიისათვის ჯანმრთელობის სახალხო კომისარიატი დანიშნავს სირევიზიო კომისიას, რომელიც შესდგება ჯანმრთელობის სახალხო კომისარიატის სამი თანამშრომლისაგან.

#### IV. ანგარიშწარმოება, ანგარიშგება და მოგების განაწილება.

15. გამომცემლობის საოპერაციო წელიწადი ითვლება ოქტომბრის 1-დან სექტემბრის 30-მდე.

16. არა უგვიანეს ერთი თვისა მორიგი საოპერაციო წლის დაწყებამდე გამომცემლობა წარუდგენს ჯანმრთელობის სახალხო კომისარიატს დასამტკიცებლად შემოსავალ-გასავლის ხარჯთ-აღრიცხვის პროექტს.

17. სამი თვის განმავლობაში საოპერაციო წლის გასვლისას გამომცემლობა წარუდგენს ჯანმრთელობის სახალხო კომისარიატს დასამტკიცებლად გასული წლის ანგარიშსა, ბალანსსა და მოგებისა და ზარალის ანგარიშის სარევიზიო კომისიის დასკვნით.



18. გამომცემლობის წმინდა მოგება (ე. ი. განსხვავება საერთო შემოსავალს და ვასავლის შორის) განაწილდება შემდეგნაირად: სარეზერვო კაპიტალში გადაირიცხება არა ნაკლები 20 %-ისა, გამომცემლობის მუშა-მოსამსახურეთა ყოფა-ცხოვრების გაუმჯობესების ფონდში—10 %, ხოლო დანარჩენი ნაწილი დარჩება გამომცემლობას და მოხმარდება გამოცემათა გაფართოებას და გაიაფებას.

#### V. ლიკვიდაციის წესი.

19. გამომცემლობის ლიკვიდაცია მოხდება ჯანმრთელობის სახალხო კომისარიატის დადგენილებით შემდეგ შემთხვევაში:

ა) გამომცემლობის არაშემძლედ გამოცხადების გამო;

ბ) უკეთუ გამომცემლობის შემდგომი არსებობა მიზანშეწონილად არ იქნა ცნობილი.

20. ლიკვიდაციას მოახდენს ჯანმრთელობის სახალხო კომისარიატის მიერ დანიშნული განსაკუთრებული სალიკვიდაციო კომისია.

სალიკვიდაციო კომისია შესდგება სამი წევრისაგან, რომელთა შორის ერთი თავმჯდომარედ დაინიშნება.

**შენიშვნა.** სალიკვიდაციო კომისიაში შედის ფინანსთა სახალხო კომისარიატის წარმომადგენელი.

21. სალიკვიდაციო კომისია რეალიზაციას გაუკეთებს გამომცემლობის ქონებას, გადაახდევინებს გამომცემლობის დებიტორებს ვალებს ვალდებულებათა მიხედვით და დააკმაყოფილებს გამომცემლობის კრედიტორებს.

22. გამომცემლობის ლიკვიდაციის შემდეგ დარჩენილი ქონება გადადის ჯანმრთელობის სახალხო კომისარიატის განკარგულებაში და ითვლება ფინანსთა სახალხო კომისარიატის აღნუსხვაზე.

გამოქვეყნებულია გაზ. „კომუნისტის“ 147 №-ში 1927 წ. ივლისის 1.